



養
二
逸
文
十
香
香
香



同治壬申年
夏六月定遠
方氏重梨補
方濬益署檢

自序

自南宋以後新唐書盛行而舊唐書流傳漸少至明嘉靖時藏書

之家已罕有足本文徵明序云先是書久不行世無善本沈君得

令朱子遂得列傳於光祿張氏舊刻數冊較全書才十之六七聞人誣序云吳

長洲賀子隨得紀志於守溪公聞人氏所刻乃彙集諸家之書補

綴而成楊循吉序云且命廣搜殘逸足其卷數文徵明序其中不

無殘缺之處錢氏考異言薛播等傳有論無讚王氏商榷言柳公

度傳其文不完趙氏劄記言張巡傳行墨脫落皆辨論精詳能正

今本之失而逸文散在羣籍尙未有彙集之者道光癸卯建功重

刻舊唐書延同志諸君博考各書成校勘記六十六卷既為序而

梓行之矣復思諸書所引舊唐書頗有累牘連篇與今本不相附

麗無須悉載於校勘記者竊不自量為之會萃成書一一整比編

排而加以考訂共得十有二卷即名之曰舊唐書逸文所援據之

書以御覽為主而寰宇記事類賦注通鑑考異次之蓋諸書皆明

引唐書足以傳信也會要冊府所述唐時之事必御覽等書所已

引者乃取以校定其文其未引者則不復哀輯誠以會要冊府雖

根柢亦出於唐書而究未嘗明引恐蹈無徵不信之譏也會要原

後人採他書補之內有引及舊唐書而為今本所無者仍輯入逸文凡年月之先後則本諸通典通

鑑新唐書以推其次第詩文之詳略則證諸英華樂府唐文粹以

驗其異同務期確有憑依不欲參以臆斷其中有互見於志傳而

實為紀之逸文者肅宗紀逸文景雲元年李朝隱事互見李朝隱

傳有互見於紀傳而實為志之逸文者禮儀志逸文五經試墨義

文率更寺閻女樂事有互見於紀志而實為傳之逸文者田悅傳

張任事互見德宗紀韋昭度傳並為之條分縷析詳著其採入逸

文之由庶乎區別較明不以紛歧致惑矣若夫其詞有與通典相

舊唐書逸文自序

懼盈齋

職官志逸文雜端御史云云與通典二十四同食貨志逸文開元二十五年令諸屯云云與通典卷二同其雙行夾注之處亦屬相

有與會要相同官品志後制舉科逸文數十條與會要七符十六制舉科各條字句皆同行款亦合

是通典會要之文而御覽誤引然既標唐書之目無以證其必非

唐書與其過而廢之不若過而存之疑以傳疑姑畱之以備考云

爾官品志與職官志顯然不同御覽所引各條疑是章述所撰唐書今列於諸志之後別自為卷以俟考至於或似

逸文而已載於紀御覽八百八十七引唐書戴少平元十七年復生事今考此七事見德宗紀下貞元十六日或

似逸文而已載於志御覽九百六十一引唐書崑山榭樹抄置金雞事今考此事見禮儀志三或似逸

文而已載於傳御覽三十二引唐書七月望日孟蘭盆事又八百十三引唐書五臺山金閣寺事今考此二事皆見

王籍或因姓誤疑為逸文而已附載其先人傳內御覽二百八十八引唐書曰沈扶

字雲翔太初為屯田郎中屯田郎中云云考文苑下唐次傳云次子拱

持扶字雲翔太和初入朝為屯田郎中云云則沈扶必唐扶之誤

又二百六十九引唐書曰包佶授藍田尉時有詔云云考裴耀

卿傳云子綜綜子佶授藍田尉時有詔云云則包佶必裴佶之誤

舊書無包佶傳新書敘此事在裴佶傳不或因名誤疑為逸文而

在包佶傳冊府八百四敘此事亦作裴佶

已附載於他人傳中御覽九百七十六引唐書曰王昇為刑部尚書性貪倖云云今考元載傳云王昇者檢校

刑部尚書性貪倖云云則王昇必王昂之倘列於此編則是指本

文為逸文必以濫收賂請今則概行刪削不使混淆於其間也他

如或引唐史御覽八百六十七茗類九百三十二鼈類九百四十

一百八十二闕賓國一百四十七蝎類九百七十五藕類寰宇記

九十八鐵勒國皆引唐史蓋即吳兢諸人所著或引唐書新語

五百六十引唐書新語開元云云今考其書字乃係衍文皆無涉

大唐新語卷十三所載與此條正同

於唐書即不必更加牽引以免枝蔓之弊焉是故知其必有逸文

而已見他書所引者則據以纂入李吉甫傳云父栖筠國史有傳

父自有傳而今本無栖筠傳據通鑑二百二十四注述考異所引

栖筠事則原有栖筠傳矣鄭覃傳云故相珣珣之子而今本無珣

瑜傳據御覽二百五十二及八百四疑其當有逸文而未見他書

十八所引珣珣事則原有珣珣傳矣楊炎傳云父播名在逸人傳武元衡傳云祖

所引者則聽其闕如平一事在逸人傳今本無播及平一傳亦無

逸人傳名目疑韋述之唐蓋深戒鑿空之談自勉為實事求是而

書有逸人傳即隱逸傳耳

舊唐書逸文目錄

二

懼盈齋

已惟念載籍極博而聞見未周縱竭力搜羅仍虞掛漏况舊唐書
本文二百卷事蹟浩繁雖繙閱至再至三而逸文中重複疎舛之
失終覺不敢自保所望精於史學之君子爲之匡謬補遺俾舊史
復爲完書則建功區區重刻之苦心亦藉以少慰也已

道光戊申正月甘泉岑建功識

舊唐書逸文自序

懼盈齋

序

甘泉岑紹周提舉 建功 重刻舊唐書延其友分纂校勘記書成之

後並授諸梓余於癸卯秋曾為作序以汲古閣毛氏比之蓋深喜

古籍之復行也繼而紹周復就諸書所引舊唐書與今本不相比

附者會萃參考為舊唐書逸文十二卷戊申夏甫經寫定而紹周

遽亡其子秋胎 滄 及其從子仲陶 鎔 為付劖劖復乞序於余余取

其書閱之所載事跡有關繫者甚多就最鉅者言之有十善焉李

元瓘請明經習業兼讀周禮儀禮公羊穀梁 元宗紀逸文云國子

人教業必事資經今明經所習咸以禮記文少人皆競讀周禮經

那之軌則儀禮莊敬之措機公羊穀梁歷代崇習即望四海均習

九經 文宗斥施士巧之春秋涉於穿鑿 施士巧傳逸文云文宗每

該備 李石因奏施士巧之春秋可讀上曰 此有關於經學者其善一也

朕嘗覽之穿鑿之學貴為異同耳 許敬宗脩太宗實錄高宗嫌其所記多非 高宗紀逸文云高宗以

實乃謂劉仁軌曰朕昨觀國史所書多不周悉卿等必須窮 元宗

徵索隱原始要終咸使詳備此既乖於實何以垂之後昆 命史官止記災異不書祥瑞 元宗紀逸文云上謂宰臣曰往者史

瑞唯記有年 此有關於史法者其善二也太宗鑒於有隋作序以

賜太子 太宗紀逸文云太宗思隋氏失道皇運開基因而 憲宗讀

金鏡帝範訓誠思貞觀開元之風 憲宗紀逸文云憲宗以天下無

失之事皆三復其言又讀貞觀開元實錄見太宗撰 此有關於君

德者其善三也張文瓘論宰臣任職在有益於公道 高宗紀逸文

宰臣於政事堂供饌珍美議減其料東臺侍郎張文瓘曰吾輩若

不任其職當自陳乞以避賢路不可減削公膳以邀求名譽也國

於公道斯亦不為多也 裴垪對為理之問以正心為言 裴垪傳

意宗問為理之要何先裴垪 此有關於相業者其善四也太宗問

明堂孔穴之書即著令罪人不得鞭背 刑法志逸文云太宗以暇

穴云人五臟之系咸附背脊鍼灸失所皆有損害乃廢書而歎曰

夫箠五刑之最輕者也生死人之至重者也豈容犯最輕之刑

舊唐書逸文序

禮盈齋

或鞭笞至死即領制 **趙冬曦諫法律之輕重**因乎愛憎 中宗紀逸

或罪人不得鞭背 文云趙冬

條輕重必因乎愛憎受法者不知其然舉事者不知其犯 **此有關**

於國典者其善五也 **王師旦謂浮薄者雖有詞華不成令器** 太宗紀逸

文云考功員外郎王師旦知舉時冀州進士張昌齡王公直並有

俊才及奏等弟太宗怪無昌齡等名因召師旦問之曰此輩誠有

詞華然其體性輕薄文章浮豔必不成令器 **劉境請以文藝為末德**

器臣若擢之恐後生相放有變陛下風雅 **劉境請以文藝為末德**

行為先 禮儀志 逸文云劉境上疏曰夫人之愛名如水之務下上

後才沒而不齒陳寔長者拔而用之則 **此有關於世教者其善六**

多士雷奔四方風動豈有不變者歟 補履謙傳 逸文云馮履謙

也 **馮履謙自守以清廉卻部人之餉鏡** 補履謙傳 逸文云馮履謙

任江陽尉與諫疇舊餉鏡一面諫集寮吏遍視之曰吾劾官必至

祿自守豈私受遺哉昌言曰清水見底明鏡照心余之劾官必至

於此復歸之 **張鎮周官於本邑親戚故人肅然** 張鎮周傳 逸文云

使者乃歸之 **張鎮周官於本邑親戚故人肅然** 張鎮周傳 逸文云

督舒州即其本邑乃多市酒肴盡召故人親戚與之酣宴十日既

而垂泣謂親賓曰比者張鎮周與故人為歡今日以後舒州都督

治百姓耳州 **此有關於政績者其善七也** **王行敏拒劉黑闥之兵**

境因茲肅然 舊唐書 逸文序 二 懼盈齋

不屈而見殺 王行敏傳 逸文云王行敏鎮潞州劉黑闥來攻拒戰

拜黑闥怒斬之臨死西向而言曰 **劉秋子張空穹以攻賊決勝於**

行敏大唐忠臣也願陛下知之 **劉秋子張空穹以攻賊決勝於**

兵盡矢窮 劉秋子傳 逸文云至德中宜春郡太守劉秋子率士卒

嘉其 **此有關於節義者其善八也** **三師復置據太宗之詔詞** 紀逸

忠勇 文云太宗降手詔曰朕觀前代明王聖主易嘗無師傳哉况朕鍾

文云太宗降手詔曰朕觀前代明王聖主易嘗無師傳哉况朕鍾

百王之末智不周物其無師傳何以匡朕之不逮宜依古道置三

師位 **貢士列方物之前從劉承慶所議** 承慶志 逸文云左拾遺劉

賈物至元日皆陳在御前唯貢人獨於朝堂拜列恐所議貴財而

賤義重物而輕人伏請貢士至元日列在方物之前以備充庭之

禮制 **此有關於掌故者其善九也** **祭漢太尉楊震文為輔太宗文**

者所未載 太宗紀 逸文云貞觀十一年太宗幸洛陽遣 **賀五色鸚**

鵡表可以補燕公集之遺 元宗紀 逸文云元宗有五色鸚鵡能言

書左丞相張說上表賀曰云云 **此有關於藝文者其善十也** **約舉**

十端足徵梗槩其書之有裨實用洵可與正史相輔而行以視彼

蒐聚瑣言無關大義者奚啻霄壤之隔哉若夫編次之精密辨證之周詳觀其書者必能知之去取之謹嚴校訂之慎重觀其自序者必能識之此則不待余縷析言之矣余家舊藏鈔本輿地紀勝紹周借錄副本欲爲重刊並欲輯羣書所引紀勝逸文爲補鈔本闕卷惜乎所補者未及脫稿而欲刻者未及開雕也所望秋舫仲陶輩能爲成其未竟之志庶不致有遺憾也夫道光戊申十二月太傅 予告大學士在籍食全俸揚州阮元敘

舊唐書逸文目錄

卷一 本紀

高祖紀

太宗紀下

卷二 本紀

高宗紀上

則天皇后紀

睿宗紀

卷三 本紀

元宗紀上

肅宗紀

卷四 本紀

德宗紀上

憲宗紀上

卷五 本紀

穆宗紀

文宗紀上

宣宗紀

卷六 本紀

禮儀志一

禮儀志五

卷七 志

五行志

地理志二

地理志一

太宗紀上

音樂志一

禮儀志四

高宗紀下

中宗紀

睿宗紀下

元宗紀下

代宗紀

德宗紀下

憲宗紀下

敬宗紀

文宗紀下

僖宗紀

禮儀志四

音樂志一

禮儀志一

禮儀志五

五行志

地理志一

地理志二

地理志三

地理志四

舊唐書逸文目錄

權為編

職官志二

職官志三

輿服志

經籍志上

食貨志上

食貨志下

刑法志

卷八 志 附錄

官品志

卷九 列傳

列傳一 元宗楊貴妃

列傳六 蕭銑 杜伏威

列傳八 唐儉

列傳十 王君廓 杜淹

列傳十一 竇誕

列傳十六 薛萬均 劉世讓

列傳十七 李勤

列傳十九 魏徵

列傳二十 戴至德

列傳二十一 顏師古

列傳二十二 虞世南

列傳二十三 蘇世長

列傳二十四 馬周 崔滌

列傳二十五 蘇世長

列傳二十六 恒山王承乾 齊王祐 李義府

列傳三十 來濟

列傳三十一 李義府

列傳三十三 蘇定方

列傳三十四 裴行儉

列傳三十五 張文收

列傳三十八 蘇震 蘇頌

列傳三十九 王方慶

列傳四十二 韋陟 蕭至忠

列傳四十四 盧懷慎 李衆

列傳四十六 姚崇

列傳四十八 契苾何力

列傳五十一 韓思復

列傳五十九 馬暢

卷十 列傳

列傳六十九 崔祐甫

列傳八十四 裴珣

列傳九十一 田悅

列傳九十八 裴珣

列傳一百一 王植曜

列傳一百十三 孟簡

列傳一百十五 韋夏卿

列傳一百一十九 韋昭度

列傳一百三十三 太平公主

列傳一百二十四 高力士

列傳一百三十五 高智周

列傳一百三十八 裴子餘

列傳一百三十九 歐陽詢

張後允

列傳一百四十一 劉藏器

崔行功 楊德幹 王勃

列傳一百四十二 陳子昂

列傳一百四十一 袁天綱

列傳一百四十四 突厥上

列傳一百四十六 吐蕃上

列傳一百四十七 墮婆登

列傳一百四十九 鐵勒

列傳一百一 安祿山

列傳二百下 黃巢

卷十一 列傳 附錄

列傳 王行本 張瑾 何潘仁 姜實誼 段綸 田畱安

周法明 張鎮周 賈嘉隱 徐慶 紀履忠 張

循憲 范獻忠 韓琬 袁仁敬 崔昌 劉秋子

張造 李柄筠 嚴郢 張著 臧希讓 王國良

戴叔倫 呂溫 鄭珣 房穎叔 王源中 張平叔

薛膺 李泳 鄭居中 房穎叔 王源中 張平叔

方太和 程宏師 武宏度 施士可 秦鳴鶴 蘇澄

行敏 郭宏道 韓凝禮 趙師 僧萬迴

李謹行 妻劉氏 趙昭母 某氏

列傳 附錄

環王 羅紉 殊柰 甘堂 文單 參半 白頭

投和 多茂 多摩長 哥羅舍分 金利毗 近 杜

薄頓 薄刺洲 西巽蠻 松外蠻 姚州蠻 蝦夷

卷十二

列傳 羅紉 殊柰 甘堂 文單 參半 白頭

薄頓 薄刺洲 西巽蠻 松外蠻 姚州蠻 蝦夷

流鬼 鞠 拔野古 駁馬

巴東蠻 昆彌 吐火羅 師子 曹 烏篤 蝦夷



甘泉岑建功輯



高祖紀

高祖爲山西河東撫慰大使行至太平關遇賊數千人時所將兵少左右皆懼高祖謂之曰此烏合之賊易與耳因率騎十二人出擊之所向皆靡衆情始定

御覽二百九十五 今本自命高祖至賊乃大潰與此條事頗相似然御覽三百十所引與今本約同而與此卷所引迥異冊府卷四十四亦引此條爲上有初字河東下有道字騎上有精字十二人作一十人始定下有并力奮逐大破之七字其餘皆同而其下卽繼以龍門遇賊事與今本略同然則太平關之戰與龍門之戰本是兩事今本脫其一耳事在隋大業十一年

舊唐書逸文卷一

懼盈齋

初高祖於太原斬王威有白雀飛入高祖之懷

御覽九百二十二 事類賦注十九所引於太原三字在斬王威之下冊府二十一所引雀作鳥係大業十三年五月甲戌事

高祖師次于石堆去絳郡二十餘里有紫雲如華蓋樓闕之形正臨高祖之上時隋絳郡通守陳叔達堅守不下高祖謂厨人曰吾明日下城然後朝膳辛卯引兵攻城自旦及辰而破高祖乃食

御覽八百四十八 冊府卷七節引隋絳作臨汾二十一節引師次于石堆作庚寅次古堆係隋大業十三年八月事 按本紀但云丙戌進下臨汾郡及絳郡據陳叔達傳通守上當作絳

郡爲是

高祖率衆攻屈突通於河東士卒登城南面者已千餘人高祖在東原望之而不見會暴雨至鳴角止軍由是不剋或勸遂攻之高

祖曰屈突通習兵而無勇若決戰非其所長嬰城難以必勝此自守虜耳不足爲虞遂收軍營於河渚

御覽三百十八 冊府卷七兩在暴上收作守據通鑑敘攻河東事在隋大業十三年九月戊午 按本紀但云戊午高祖親率衆圍河東屈突通自守不出乃命攻城不利而還屈突通傳亦不載此事

武德元年

新豐鸚鵡谷水清代傳云此水清天下平開皇之初暫清尋濁至是而復清

御覽五十八 又八百七十三代作世無云字在武德元年七月冊府二十四同惟無而字此事紀於元年符瑞之末未言何月會要二十八云十二月今姑從御覽事類賦注卷七代亦作世此水作谷水無開皇以下十三字

舊唐書逸文卷一

懼盈齋

高祖詔曰朕自起義晉陽遂登皇極經綸天下實仗羣才尙書令秦王尙書右僕射寂或契合元謀或同心運始並蹈義輕生捐家殉節艱辛備履金石不移論此忠勤禮宜優異官爵之榮抑惟舊典勲賢之義宜有別恩其罪非叛逆可聽恕一死

御覽六百四十一 會要四十五朕下無自字才作材尙書右僕射寂作右僕射裴寂契合作合契之義作之議係武德元年八月六日事 冊府一百三十三起義作起兵王下有世民二字禮作特之義作之議罪上有犯字亦係武德元年八月事

高祖義兵至河東隋將堯君素城守時圍甚急君素乃爲木鷓置表於頸具論事勢浮之黃河下河陽守者得之達於東都越王侗見而歎息

御覽九百十九 隋書堯君素傳及冊府三百七十三下上有
汭流而二字通鑑叙此事在武德元年十二月

高祖圍堯君素於蒲州糧盡人相食有烏鵲巢其發石車之上人
心遂離爲李楚客斬首傳之京師

御覽九百二十一 事類賦注十九無之上二字爲李楚客作
官軍斬下有其字據通鑑堯君素之死在武德元年十二月

二年

始平人宗士眺負米一石委於太倉而去云願少益軍國高祖嘉
之賚物百段

御覽八百四十 冊府九十七眺作眺係武德二年正月事

武德中有獻李樹連理盤屈如龍

御覽九百六十八 冊府二十四同係二年四月事

武德二年涼州刺史安脩仁獻百年酥云餌之可延壽

御覽八百五十八 按安脩仁本李軌之臣其降唐在二年四

月此事當在四月以後冊府一百六十九所引同係十月事

高祖二年秋七月壬申詔曰天生五材百物資其器用武有七德
撥亂所以定功故黃帝垂衣尚有阪泉之戰放助光宅有稱丹浦
之師禁暴安人率由茲道創業垂統莫此爲先以是周置六軍每
習蒐狩漢增八校畢選驍勇故能化行九有威震百蠻竒宄不與
虔劉息志季葉凌替軍政湮亡卒伍不修旌旗旃雜部伍符籍空
有調發之名竟無討襲之用遂使夷狄放命盜賊交侵戰爭多虞
黔黎殄喪朕受天明命撫育萬方爰自義師克成帝業至如超乘
之士莫匪百金穀騎之材豈惟七萃今雖關塞圍謐荒裔肅清伊
洛猶蕪江湖尙梗役車未息戎馬載馳武備之方尤宜精練所以

各因部校序其統屬改授鉦鼓創造徽章取象天官定其名號庶使前茅後勁類別區分玉帳絳官刑德允備蹈茲湯火警彼椒蘭大定戎衣止戈斯在於是置十二軍分關內諸府以隸焉萬年道爲參旗軍長安道爲鼓旗軍富平道爲元戈軍醴泉道爲井鉞軍同州道爲羽林軍華州道爲騎官軍開州道爲折威軍岐州道爲平道軍幽州道爲招搖軍西麟道爲苑游軍涇州道爲天紀軍宜州道爲天節軍時高祖以天下未定實資武力將舉關中之衆以臨四方故興此制也每軍一人副一人取威名素重者爲之督以耕戰之務自是士馬精強無敵於天下矣

御覽二百九十八 冊府一百二十四物作司收有稱作猶

稱驍勇作驍雄不興作不萌季葉上有自字卒伍作卒列舛雜作雜伍部伍符籍作符籍之內竟無討襲之上有逗撓之間

舊唐書逸文卷一

四

懼盈齋

句與上爲對夷狄作戎狄鉦作鉦全唐文卷一所載與冊府約同惟卒列作行列逗撓之間作逗撓乏興又按冊府在二年十月今本但有秋七月壬申置十二軍以關內諸府分隸焉十七字蓋上下文皆脫去也會要七十二節引此詔改授鉦鼓作改復鉦鐸定其作其係三年七月十一日事蓋壬申乃十一日而三則二之誤也通鑑每軍下有將字亦係二年七月事注引萬年道至天節軍與此全同惟幽州作幽州西麟下有州字會要同通典二十八井鉞作丹鉞西麟下無州字餘所引悉同

三年

武德中太宗平并州悉復故地上悅置酒含章殿宴羣臣極歡遣入御府賜繪彩皆盡重而出

御覽八百十四 據通鑑及冊府七十九一百九此事俱在三

年四月壬戌惟冊府一百九太宗作秦王上悅作帝大悅

四年

武德四年十一月甲申有事於南郊

會要卷九 冊府三十三申作子按上文十月內有乙丑下文

十二月有丁卯則十一月內斷不得有甲子當從會要爲是通

鑑紀此事亦作甲申

五年

武德中梁州言野蠶成繭百姓採而用之

御覽八百二十五 冊府二十四採作得係五年正月事

武德中西突厥葉護可汗遣使請婚又入寇邊上高祖謂羣臣曰

突厥入寇而復請和之與戰其策安在太常卿鄭元璠對曰若

擊之則怨深難以和輯中書令封德彝進曰若不戰而和親夷狄

必謂中國畏懼未若擊之剋捷而和親此則威恩兼舉高祖然之

戊辰西突厥遣使獻名馬己巳并州大總管襄邑王神符擊突厥

於汾東斬首五百級虜其馬二千疋汾州刺史蕭顛斬突厥五千

餘級

御覽三百二十七 通鑑一百九十載議和事在武德五年八

月辛酉惟戊辰獻馬事通鑑未載其己巳襄邑王事與御覽同

冊府九百九十節引兩高祖皆作帝不戰而和下無親字剋捷

而下有後字亦係武德五年八月辛酉事

六年

武德中苑君璋及突厥吐渾設來寢馬邑高滿政設三伏以待之

突厥至城下伏兵發大破之斬首二百餘級以滿政爲朔州總管

曲赦馬邑

御覽三百二 冊府八十三渾作屯殺作寇三作二係六年六月丁卯事通鑑叙此事亦在六年新書高祖紀日月與冊府同車騎將軍劉山濤上言祖龍潛時數往來洛郊之莊舍嘗踐子石靴迹見於石中至今猶在高祖合鑿之深寸餘其迹逾明乃止

御覽五十一 冊府二十一言作書祖上有高字郊作交子作二逾作愈係六年七月事

高祖時吳王杜伏威獻竹帳上以勞人不受

御覽六百九十九 冊府一百六十八上作帝人作民受下有之字係六年事未言何月

五十七年

武德中長安古城鹽渠水生鹽色紅白味甘狀如方印

御覽八百六十五 冊府二十四上鹽字作監味上有而字係

舊唐書逸文卷一

六

懼盈齋

七年之符瑞在九月河清之前會要二十八上鹽字作見味上亦有而字云閏七月十三日

武德七年十二月庚辰臘上曰臘者獵也臘臘以供宗廟朕當躬親其事以申孝享之誠於是出狩於鳴犢泉

御覽八百三十一 會要二十八臘臘作蒐狩無出字泉下有之野二字係八年十二月事通鑑亦載此事於八年十二月庚辰而七年十二月無此事疑御覽七字乃八字之誤今姑列諸七年冊府一百十五亦在八年十二月庚辰惟無臘者獵也四字臘臘作臘獵躬下無親字於是出狩於鳴犢泉作於是車駕出巡狩於鳴犢泉之野

八年

高祖與羣臣言備邊之事將作大匠于筠進曰未若多造船艦於

五原靈武置舟師於黃河之中足以斷其入寇之中路中書侍郎
溫彥博又進曰昔魏文帝掘長壘以遏匈奴亦因循其事高祖並
從之於是遣將軍葉顯和壘斷北邊要路又徵江南習水之士更
發卒于靈州造戰船

御覽三百三十一 冊府九百九十高祖作帝船作船壘作塹
葉作桑係八年正月己酉事

武德中赤雀巢於殿門宴五品以上頌者千餘人極歡而罷

御覽九百二十二 冊府二十四及三十七頌上仍有上字千
五作十係八年四月事又一百九所引同在四月丁未會要二十
八在四月十三日

九年

武德九年四月二十三日甘露降於中華殿之桐樹沍冰雪以示

羣臣

舊唐書逸文卷一

七

懼盈齋

御覽八百七十二 冊府二十四無二十三日四字沍冰雪作

疑沍如冰霰會要二十八作凝沍如冰雪在四月二十五日

武德九年江州都督太子衛副率侯君集於納義門獻白雀一

御覽九百二十二 冊府二十四無江州以下十二字獻作獲

係九年六月事

武德九年海州言鳳見于城上羣鳥數百隨之東北飛向蒼梧山

御覽九百一十五 冊府二十四鳳下有鳳字係七月事

年月無考

武德中方術人師市奴合金銀並成上異之以示侍臣封德彝進
曰漢代方士及劉安等皆解學術唯苦黃白不成金銀爲食器可
得不死

御覽八百十二 冊府九百二十八上作帝無解字

太宗紀上

太宗屯柏壁常欲覘敵潛軍遠抄騎皆四散太宗與一甲士登邱而睡俄而賊兵四面雲合不之覺也會有蛇逐鼠觸甲士驚起因見賊至遽白太宗而俱上馬馳百餘步爲賊所及發大羽箭射之殪其驍將賊騎乃退當時以爲神異焉

御覽九百三十三 事類賦二十八俄而作俄然冊府同觸上仍有一鼠字無因見賊至四字俱上無而字發上有太宗二字無當時以下七字冊府二十六所引無屯柏壁三字而有初討宋金剛賊徒日蹙九字不之作不知觸甲士下有之面二字驚起上仍有甲士二字無神字據通鑑此事在武德二年十一月太宗征王世充陳兵穀水之上步騎五萬太宗舉麾誓衆曰隋室

舊唐書逸文卷一

又

懼盈齋

無道毒被蒼生我國家受命于天隋濟億兆世充敢抗大邦數行侵暴誅殺良善恣其淫酷國家爲百姓除害事不獲己各宜整爾軍旅修爾器械立功自効冀行天罰敢有犯命者斬無赦

御覽三百七 冊府十九陳兵上有旦日二字太宗舉麾作帝舉麾世充上有王字誅作枉酷作酷旅作容冀作躬無赦下有於是自穀州營於磁澗九字係武德三年七月事通鑑云旦日率步騎五萬進軍慈澗卽紀此事冊府此條之前紀太宗獲燕頡事通鑑頡作琪其事在己丑則所謂旦日者蓋庚寅也

太宗擊王充選千餘騎爲奇兵皆皂衣元甲分爲左右隊建大旗令騎將秦叔寶程咬金尉遲敬德翟長孫等分統之每臨殿太宗躬被元甲先鋒率之候機而進所向摧殄常以少擊衆賊徒氣懾御覽三百二 冊府四十四太宗擊王充作討王世充於雒邑

選上有帝字千上有精銳二字履作寇太宗作帝珍作弭係武
德三年事通鑑紀此事於四年正月

王世充未平太宗奏請圍東都高祖謂使人宇文士及曰歸報尔
王今取東都者止欲兵甲休息耳破城之日其乘輿法物圖籍器
械非私家所須者悉汝收之子女玉帛皆分賜將士

御覽二百八十 冊府六十三尔王作尔主悉作委通鑑亦作
委並在武德四年二月

太宗討劉黑闥常於肥鄉列陣太宗親率左右擊之有一突將
勇壯絕人直衝太宗刃將接太宗以天策上將大箭射之中心洞
背應弦而斃遂傳此箭於北蕃突厥見而驚歎又常輕騎近出遇
三騎皆賊中驍勇有名者舉槍而進左右請避之太宗不從待其
將至連發三矢相次皆斃敵人懾氣焉

舊唐書逸文卷一

九

懼盈齋

御覽三百四十九 冊府四十四太宗討劉黑闥作及竇建德

舊將劉黑闥反於相州帝總戎東討闥上有每令游騎擊挫之
七字常俱作嘗太宗俱作帝突將作突厥賊中下有之字事類

賦注十三有一突將至驚歎與御覽同通鑑討劉黑闥於肥鄉

事在武德五年正月本紀亦云正月進軍肥鄉蓋即其月之事
武德中突厥頡利突利二可汗到原州太宗率兵拒之雨甚太宗
乃召諸將謂之曰虜控弦鳴鏑弓馬是憑今雨彌時弧矢俱弊突
厥人衆如鳥矢所介切羽我屋宿火食槍槊犀利料我之逸揣敵所

勞此而不乘夫復何待今欲先令勁兵亂其陣乃率突騎驅其後
虜俗進不相讓退不相救自此以北澗谷深長時有一道魚貫以
度因而迫之彼十萬騎坑穿中物耳追至黃河縱不盡擒必當十
獲八九此曠兵者所以解諸君勿疑於是潛師夜出冒雨而進醜

徒震駭因縱反間於突利悅而歸心二可汗內離頡利欲戰不可因請和而去

御覽二百八十九 冊府十九無頡利突利四字到作道自太宗率兵拒之作帝受詔北討爾甚作連雨更甚太宗乃召作帝乃召爾彌時上有久字矢羽作鍛翻十萬上有數字悅而歸心作突利悅歸心焉二可汗作其叔姪因下有而字請和下有帝許之結盟五字係武德七年秋事通鑑紀此事在八月通典一百五十五突厥頡利突利作突厥突利頡利矢羽亦作鍛翻尾利作侈利何待作何時魚貫作貫魚迫作追所以解作所解也歸心下有焉字

太宗時莒州言鳳皇二見羣鳥隨之其聲若八音之奏

御覽九百十五 冊府二十四皇作鳳係武德九年九月乙未事蓋太宗卽以是年八月卽位也

貞觀元年

太宗謂蕭瑀曰朕少好弓矢自爲能盡其妙近得良弓十數以示弓工乃曰非良材也朕問其故工曰木心不正脈理皆邪弓雖剛勁而遣箭不直非良弓也朕始悟焉朕以弧矢定四方使弓多矣有天下之日淺得爲治之意固未及於弓弓猶失之何況於治乎自是遂延耆老問之政術京官五品已上更宿中書內省上每延與語詢訪外事務知百姓疾苦政教之得失焉

御覽三百四十七 事類賦注十三節引自爲作自謂冊府一

百四自爲亦作自謂乃曰上仍有弓工二字非良材上有皆字脈理上有則字使作用有天下上有而字日上無之字爲治上無得字及下無於字遂延作亟延每延上無上字會要二十六

引與冊府約同惟內省作兩省上每延作太宗每延在貞觀元年閏三月二十九日通鑑紀此事在貞觀元年閏三月壬申通典七十七引但作貞觀元年四方上有天下二字於治乎作於理

太宗著金鏡述以示羣臣其辭曰朕以萬機暇日遊心前史仰六代之高風觀百王之遺迹興亡之運可得言焉每至軒黃之無爲唐虞之至治未嘗不流連贊詠不能已矣及於夏殷末世秦漢暴君使人凜然兢懼如履朽薄然人君皆欲其永享萬乘之尊以垂百王之後而得失異趨興滅不同何也蓋短於自見不聞逆耳之言至於滅亡終身不悟豈不懼哉觀理亂之本原足爲明鏡之鑒戒亂未嘗不任不肖理未嘗不任忠賢任忠賢則享天下之福用不肖則受天下之禍社稷臨危之主各師其臣若使覺悟安有危

亡之禍特由不畱心於任使翻屬意於遨遊豈不哀哉以遨遊將爲任使以任使將爲遨遊豈不善哉古人言舜禹不愛於聲不貪於色子謂不然將爲愛也人云桀紂耽於聲色子將爲不好也何以然桀紂命不終於天年樂不終於一世以此知爲不好也舜禹命壽於終樂畢於世子謂之愛也夫人有寬躁強柔之志愁歡貪慾之心性有善不善者也由是觀之堯舜禹湯躬行仁義爲治致平此其稟善性也幽厲桀紂乃爲炮烙之刑剝孕婦割人心斲朝涉脯鬼侯造酒池糟邱爲長夜之飲此其受於不善之性也夫立身之道在於折衷而不在於偏孰吳起曰昔桑氏之君修德廢武以滅其國有扈之君恃衆好勇以喪社稷仲尼曰寬濟猛濟寬仁義之道猶不得偏何況於左道乎況於不仁乎爲君之道處至極之尊以億兆爲心以萬邦爲意安民必以文德防邊必以武功

孔子曰夫文之所加者深則武之所服者大德之所施者博則威之所制者廣不可以威武安民不可以文德備塞大鯨出水必廢游波之功鴻鵠沈泥定無凌空之効若各令遂志並不失其能古人云構大廈者先擇木然後簡材治國者先擇佐然後定民大匠構屋必以大材爲棟梁小材爲榱橈苟有所中尺寸之木無棄此善理木者也非獨屋有棟梁國家亦然大德爲宰相亦國之棟梁也子思三代以來君有所好民必從之在上畱心臺榭奇巧之人必至致情遊獵馳騁之人遠臻存意絃管鄭衛多進降懷脂粉燕趙斯來塞切直之路爲忠者必少開諂諛之道爲佞者必多古人云君猶器也民猶水也方圓在於器不在於水以此而言之足爲永戒夫玉不琢不成器人不學不知道仲尼問於鄉子文王學於虢叔聖人猶且如此何況於凡人乎治主思賢如農夫之望歲哲

舊唐書逸文卷一

十一

懼盈齋

后求人如旱苗之思雨亂君疾勝已如讐視不肖如子懷之中心何日暫忘王莽僞行仁義之道有始無終孫皓權施恩惠之風有初無末二子猶破船之汎巨浪毀在不遙若驚馬之奔千里困其將至古人云升量不可以盛石小智不可以謀大巧詐不如拙誠信無謬矣有明王有暗主漢祖攝衣於酈生比干剖心於辛紂殷湯畱情於伊尹龍逢被戮於夏桀楚莊暇隙而懷憂武侯罷朝而含喜閻主護短而求愚明主思短而長善觀漢祖殷湯仰其有德行譬若陰陽調四時會法令均萬民樂則騏驎呈其祥漢祖殷湯豈非騏驎之類乎觀夏商辛嗟其悖惡之甚猶政令不行寒暄失序則猛獸肆毒螽螟爲害夏商辛豈非猛獸之儔乎子以此觀之豈非天道也雖曰天時抑亦人事成湯之世有七年之旱窮髮爲犧千里雨降太戊之時桑穀生朝懼而修德遂使十有六國

重譯而來此豈非人事者也或曰爲君難爲臣不易君處尊高之位執掌賞罰之權錄人之材因人之力何爲不成何求不得此言似易論之實難何者輕凌天地衆精顯其妖忽慢神靈風雨應其暴是以帝乙有雷霆之禍殷紂致分砂之災多營池觀遠求異寶民不得耕女不得蠶田荒業廢兆庶凋殘見其飢寒不爲之哀觀其勞苦不爲之戚苦民之君也非治世之主也薄賦輕徭百姓家給上無急命之徵下有謳歌之詠屈一身之欲樂四海之民憂國之主也樂民之君也此其所以爲難也且用人之道又爲未易己之所賢未必盡賢衆之所毀未必全惡知能不舉旣爲失材知惡不黜則爲禍胎又人才互有長短不必兼通是以公綽優於大國之卿子產善爲小邦之相絳侯木訥卒安劉氏之宗嗇夫利口不任士林之令捨短從長然後爲美夫人剛柔之情各異曲直之性

不同不可不察也逆王耳而履道戮孔懷以安國周公是也順上心以安身隨君情而殺子易牙是也棄己之命存君之身紀信是也挾國謀事以報私讐爰盜是也捐身而執節孤立而自毀屈原是也外顯和穆之端內懷湯火之意宰嚭是也忠諫之道以此觀之足以永鏡白起爲秦平趙乃被昭王所殺亞夫定七國之亂卒爲景帝所誅文種設策滅吳翻遭越王之戮伍員竭誠爲國終罹賜劍之禍乃君之過也非臣之罪焉至於趙高韓信黥布陳豨之儔此則自貽厥孽非君之濫刑也高祖失於存功之能光武獲於置將之妙臣安君社稷之固君處臣危亡之地豈是相酬之道也爲天下之君處萬民之上安可易乎背道違禮非惟損己乃爲賢人之所笑卑身厲行實爲君子反爲凡夫之所譏越品進官其類必爲深怨偏與人語在衆以爲由私任使賢良則爲偶合委仗凡

才則言愚闇數言則謂太繁辭算則謂道薄恣情忿怒則朝野戰慄畱心寬恕則法令不行民樂則官苦官苦則民勞四海之內莫非王土要荒爲枝葉畿內爲根本古人云皮之不存毛將安傅深根固本之內相而伊尹傅說世所希逢至鎮積冰之塞守飛雪之邊而魏尙李牧當今罕遇遣人遠撫則眷戀而不忍愍而不遺則枝葉而不存二者之間致心何所是以晨興夕惕無忘斯事爲上猶然何況臣下易云書不盡言言不盡意今略陳梗概以示心之所存耳古語云勞者必歌其事朕非故煩翰墨以見天藻但學以爲己聊書所懷想達見羣賢不以爲噉也

御覽五百九十一 冊府四十但云貞觀初著金鏡述以示侍

臣而不言何年今姑附於元年以俟參考又按全唐文卷十載

此文軒黃作軒昊贊詠作讚詠凜然作凜凜然人君下有在上

舊唐書逸文卷一

十四

懼盈齊

二字其字在承亨下異趨作異趣不同作不常至於上有故字

觀理亂作觀治亂社稷二字在安有之上危亡之禍禍作覆以

遨遊上有若字何以然作何以知之以此下無知字命壽作壽

命寬躁強柔作強躁寬弱愁歡作愁樂性上有恩情聰哲之才

此乃天命其十一字不善上仍有有字治上無爲字平上有隆

字其在稟下善在性下割人心作割人心不善上有天字在於

作在乎桑氏上有有字有扈下有氏字濟猛上及濟寬上皆有

以字況於不仁上有何字安民作理人武功作武威各令上有

使字不失上無并字構大厦上有欲字先擇木作先擇匠小材

上有以字苟有所中作所有中理木作治木亦國下有家字君

有所好作君好仁民必作人必脂粉作粉黛以此作以是而言

下無之字永戒作永誠問於作師於猶且作且猶凡人下有者

字如農夫作若農夫暫忘作暫忘破船作膠船升下無量字不下無可以二字信無作信非明王作明主漢祖作高祖殷湯下及龍逢下皆有則字被戮作被誅求愚作永愚觀漢作觀高祖仰其下無有字麒麟俱作麒麟夏癸作夏桀政令作時令螽螟作螽螟天道下有之數二字翦髮作翦爪雨降作降雨或曰作或云爲臣不易作或云爲君易君處上有人字賞罰上無掌字錄人及因人俱作用人似易作之實易輕凌作輕陵雷霆作震雷分砂作飛沙耕下有耘字蠶下有織字之戚作之感非治世作非治民急命作暴令又爲作尤爲已之所及衆之所下俱有謂字盡賢作盡善旣爲作則爲禍胎作禍始又人才下無互字之卿作之老從長作取長不可不察上有古今奔馳貴賤不等爲上之孝與下豈均上則匡國宦家志存崇禮下則承顏悅色

舊唐書選文卷一

五

懼盈齋

止存敬養虞舜孝也不爲慈親所安曾參仁也不爲宣尼所善孔子曰子從令者不得爲孝臣苟順者不得爲忠如斯之類七十一字王耳作主耳存君作安君爰盜作袁盜捐身作子身孤立作孤直和穆作和睦足以永鏡作足爲永鑒之戮作所戮伍員竭誠作伍胥竭力乃下有是字之罪焉作之罪也至於作至若厲行作勵行反爲凡夫作又爲庸夫在衆作衆望則爲偶合作則謂偶得凡材作庸夫數言作言數官苦則作官樂則爲根本作乃根本深根固本之內相作當使本固根深委之內相世所作人所鎮積冰上有至如二字不遺作不遺則枝葉下有落字二者作二宜是以作是用天藻作文藻達見作遠見

二年

武德中制祠典釋奠於太學以周公爲先聖孔某配饗房元齡及

朱子奢議云公旦尼父俱是聖人庠序置奠本緣夫子故晉宋至於梁陳爰及隋大業故事皆以孔某爲先聖顏回爲先師歷代所行古今通允請停祭周公升夫子爲先聖以顏回配饗

大御覽五百三十五 會要二十五武上有尙書左僕射房元齡國子博士朱子奢建議云十八字制作詔無祠典二字兩某字皆作子兩饗字皆作享公旦上有臣以二字公旦作周公俱是作俱稱無至於二字及爰字今作人末句下有詔從之三字係貞觀二年十二月事冊府六百四與會要同全唐文一百三十七請停上有伏字餘與會要冊府並同 按新書禮樂志五叙此事亦在貞觀二年

貞觀二年太宗謂侍臣曰中書門下機要之司擢才而居任委實重詔勅如有不便皆須執論比來唯覺阿旨順從遂無一言諫諍者豈是道理若惟署勅行文書而已人誰不堪何須揀擇以相委付自今以後詔勅疑有不穩必須執之

舊唐書選文卷

十六

權盈齋

御覽二百五 會要五十四任委作委任順從作順情遂無一言上有唯唯相尙四字文上無行字係貞觀元年事通鑑紀此事於三年四月疑各有所據今從御覽列於二年據通鑑二十一年亦在二年而不言何月順從亦作順情署勅作置勅文下無書字

二十三年

太宗謂房元齡杜如晦曰爲僕射當須廣開耳目求訪賢哲有武藝謀略才堪撫衆者任以邊事有經明德行性理通悟者任以侍臣有明幹清懇處事公平者任以劇務有學通今古識達政術者任以理人此乃宰相之益也此間聽受辭訟日不暇給安能助

朕求賢哉因勅尚書細務屬左右丞唯枉屈大事合聞奏者關於僕射

御覽二百十一 冊府一百五十七太宗作帝為上有公字德

行作德修係貞觀三年三月事通鑑紀此事於三月丁巳會要

五十七通悟在性理上理人作治人屬下有於字在三月十日

通典二十二節引為僕射上有公字廣開作洞開求訪賢哲作

大訪求才賢此乃宰相之宏益也作是為宰相宏益之道比聞聽

受辭訟日不暇給作今以決辭聽訟不暇安能助朕求賢哉作

豈助朕求賢之意因勅作乃令屬左右丞作悉委於兩丞唯枉

屈大事作其寬濫大故合聞奏者作當奏聞者關上有則字

太宗謂侍臣曰李大亮可謂忠直矣朕遣使至其所見有佳鷹諷

令獻朕大亮因密表責朕云陛下久絕田獵而使者求鷹若是陛

下之意深乖昔旨如其自擅便是任使非人朕覽表嘉歎不能自

已有臣若是朕復何憂於是賜之金壺以彰忠諫

御覽九百二十六 事類賦注十八表作來田作畋冊府五百

三十一便是任使非人作使罪其人 按通鑑敘此事在貞觀

三年十一月

太宗時東謝渠帥來朝東謝者南蠻之別種也在黔安之東地方

千里其俗無文書刻木為約

御覽五百九十八 按東謝蠻傳其入朝在貞觀三年通典一

百八十一及會要九十九並同惟未言何月冊府九百六十刻

上有惟字
太宗紀下
五年

太宗謂高昌王麴文泰曰丈夫在生樂事有三天下太平家給人足一樂也草淺獸肥以禮田狩弓不虛發箭不妄中二樂也六合大同萬方咸慶張樂高宴上下歡洽三樂也今日王可從禽明日當飲讌耳

御覽八百三十一 會要二十八太宗作上丈夫上有大字生作世田作畋明日當飲讌耳作明當歡宴耳係貞觀五年正月十三日事 冊府一百十五上作帝生亦作世三下有耳字明日當飲讌耳亦作明當歡讌耳係貞觀五年正月癸酉事 按太宗紀是年正月癸酉大蒐於昆明池蕃夷君長咸從會要冊府敘此事皆在昆明池事下蓋卽其處佚文

貞觀五年正月癸未朝集使請封禪

會要卷七 新唐書貞觀五年正月無此事補會要者蓋會見

古本舊唐書故注中特言舊書也

太宗謂侍臣曰治國與養病無異也病人覺愈彌須將護若有觸犯必至殞命治國亦然天下稍安尤須兢慎若便縱逸必至喪敗 御覽七百三十八 通鑑載此事在五年十二月

六年

太宗降手詔曰朕觀前代明王聖主曷嘗無師傅哉況朕鍾百王之末智不周物其無師傅何以匡朕之不逮詩不云乎不愆不忘 率由舊章宜依古道置三師位也

御覽二百六 全唐文卷七朕觀前代作朕比尋討經史聖上

作聖帝鍾作接周物作同聖人何以匡朕之不逮作安可以臨兆民者哉宜依古道置三師位也作可卽著令置三師之位

按本紀貞觀六年二月置三師官員此條蓋卽彼處之逸文通

鑑叙此事在二月丙戌

十年

太宗嘗謂魏徵曰玉雖有美質在於石間不值良工琢磨與瓦礫不別若遇良工卽爲萬代之寶朕雖無美質爲公所切磋勞公約朕以仁義宏朕以道德使朕功業至此公亦足爲良匠耳

御覽八百五 按徵傳云太宗曰公獨不見金之在鑛也何足

貴哉良冶鍛而爲器便爲人所寶朕方自比於金以卿爲良匠與此條意同詞異疑此條乃太宗紀佚文 又按徵傳下文云

其年徵又面請遜位太宗難違之乃拜徵特進據太宗紀徵爲特進在貞觀十年六月此事當在是年六月以前

貞觀中治書侍御史權萬紀上言宣饒二州諸山大銀坑採之極是利益每歲可得錢百萬貫上謂曰朕貴爲天子是事無所少

舊唐書逸文卷一

九

懼盈齋

乏惟須嘉言善事有益於百姓者且國家賸得數百萬貫錢何如得一有才行人不見卿推賢進善之事又不能按舉不法震肅權豪惟只言稅鬻銀坑以利多爲美昔堯抵璧於山投珠於谷由是崇名美號見稱千載後漢桓靈二帝好利賤士爲近代庸暗之主卿遂欲將我比桓靈耶是日放令還第

御覽八百十二 按通鑑叙此事在貞觀十年十二月

十一年

貞觀十一年太宗幸洛陽遣使祭漢太尉楊震墓太宗自爲文曰惟君資華巖之奇氣稟金方之秀質體忠篤以成性應時運而挺生彈冠贊務粥諸帝道正色立朝周行以肅坐槐壘理鼎飪載調值安德不昇政由近習氣舛玉衡日微黃道君慨然忠憤乃心王室昌言正義屢犯於逆鱗霜簡直繩志祛於時蠹而運屬陵夷道

消賢哲不納嘉猷遂嬰嚴網方寤至治遽天天年英傑云亡邦國
彌瘁斯乃緬想高蹤可爲長歎朕省方班瑞言事東巡瞻墳隧於
道周想風徽於前代若使九原可作吾將與歸千載如存依然何
遠行潦致屬君其饗之

御覽五百九十一 按通鑑及本紀太宗以是年二月甲子幸

洛陽宮三月丁亥至洛陽三月朔爲丙戌則丁亥乃三月二日

考漢書楊震墓在華陰去長安甚近去洛陽較遠此文之作在

二月無疑會要二十七云六年冬幸洛陽至華陰祭漢太尉楊

震上自爲文未載據本紀及通鑑俱無六年幸洛陽之事會

要誤

太宗狩于濟源之陵山上曰古者王先驅以供宗廟今所獲鹿宜

令所司造脯醢以充荐享

皇唐書逸文卷一

三

懼盈齋

御覽八百六十二 又九百六狩上有幸懷州乙未五字山下

有親御弧矢四字上作太宗先上無王字所作有荐作薦 冊

府一百十五狩上有十一月乙未五字之下無陵字上作帝餘

與御覽九百六同係貞觀十一年事又五百三十一陵作凌無

王字 按太宗紀是年十一月辛卯幸懷州乙未狩於濟源

十二年

太宗幸蒲州刺史趙元楷課父老服黃紗單衣迎謁路左又潛飼

羊百餘口魚數百頭將饋貴戚太宗知而數之

御覽九百三十五 又八百十六引太宗至路左與此同通鑑

紀此事在十二年二月庚午冊府一百五十七及六百九十七

列於十五年十一月皆在自東都還京師之時然據本紀觀鹽

池及贈堯君素官皆係十二年幸蒲州之事而十五年之路由

蒲州與否則無明證今從通鑑又考會要二十七亦云十二年二月十日幸蒲州單衣作單衣又潛飼上有盛飾廡宇修營樓雉欲以求媚十二字數百作數千

貞觀中左右屯營始置飛騎揀才力驍捷善騎射者爲之太宗時出遊幸則從焉衣五色袍乘六閑駿馬賜猛獸皮鞞以標異之又加階級廩食各有差

御覽三百 按新書兵志叙此事在十二年會要七十二及通鑑並在是年十一月會要作三日通鑑作丁未

十三年

貞觀十三年以左僕射房元齡爲太子少師元齡上表遜位詔不許太宗因謂侍臣曰太子師保古難其選若成王幼小以周公爲傅左右皆賢日聞雅訓自幼及長便爲聖君秦之胡亥趙高傳之教以刑法及其立也誅功臣殺親族酷烈不已旋踵而亡以此言之善惡由于習近

舊唐書逸文卷一

三

懼盈齋

御覽二百四十四 按太宗紀貞觀十三年正月戊午加房元齡爲太子少師元齡傳貞觀十三年加太子少師通鑑亦載此事正與本紀同

貞觀十三年三月乙巳吉辰廐產白馬朱鬣

御覽八百九十五 冊府二十四同惟無乙巳二字鬣作驥

十四年

貞觀十四年陝州奏界內二百餘里正月元日河水變清四日乃止

御覽八百七十三 冊府二十四及三十七皆云十四年二月

陝州言河水變清然下文載長孫無忌等賀表則云陝州刺史

房仁裕狀稱所管界內二百餘里正月元日黃河載清蓋本正月之事而二月始上表也會要二十八河清在正月元日房仁裕奏在二月十四日

太宗自爲真草書屏風以示羣臣筆力遒勁爲一時之絕先是人間有義之書凡真行二百九十紙裝爲七十卷草書二千紙裝爲八十卷每聽覽餘閒時取臨馭焉謂朝臣曰書小道初非急務時或畱心猶勝奔日凡諸藝業未有學而不得者也病在心力懈怠不能專精耳朕少時爲公子未遭陣敵義旗之始乃平寇亂每執鼓必自指搗習觀兵陣卽知強弱常取吾弱對其強強對其弱敵犯其弱追奔不踰百數十步吾擊其弱必突過其陣自背而反擊之無不多潰使此而制勝思得其理深也今吾臨人之書殊學於形勢唯在求其骨力及得骨力而形勢自生耳然吾所爲皆先作意是以果能成也

御覽三百一 二百十三謂朝臣作嘗謂羣臣每執上有朕自興兵四字鼓上有金字搗作揮觀兵作觀其常取作常以強對上有以吾二字其弱作吾弱潰上無多字使此作多用此通典一百五十八引與此同冊府四十三草書上無真字義之上有王字凡眞上有悉購之書府五字謂作嘗問小道上有學字乃平作及平鼓上有金字搗作揮觀兵作觀其強對上有取吾二字其弱作吾弱不踰作不過百數作數百多潰作大潰使此作多用此臨下有古字殊學於作殊不學其無及得骨力四字然吾下有之字成也下有帝性愛書初置宏文館選貴臣子有性識者以爲學生內出法書命之令學又令人間善書者亦徵入館內是十數年間海內從風而靡工書者甚衆焉係十四年四

月事又四十四引同惟追奔作奔命數百仍作百數會要三十
五載此事與冊府約同惟棄日作異日未遭作頻遭貴臣子下
有弟字事在四月二十二日

十五年

貞觀中彌泥孰可汗李思摩部落濟河於故定襄城爲牙帳戶三
萬勝兵四萬馬九萬疋思摩之初建也詔錫其土南至大河北有
白道川而白道收田處龍荒之最突厥咸競其利思摩以北接延
陁種落初集其力尙微未敢北徙至是始還其國因上言曰非分
蒙恩立爲落長實望子孫竭誠奉國作國家一狗北門守吠若延
陁侵逼請家口徙入長城詔許之

御覽九百四

事類賦注二十三節引至是始還作後還守吠

二字在北字上

按通鑑載此事在十五年正月

舊唐書選文卷

三

懼盈齋

太宗幸襄城宮登子邏坂見暍者偃于路駐馬命左右取藥飲之
乃蘇

御覽九百八十四

冊府四十二幸作如脫馬字係貞觀十五

年三月事

按太宗紀是年三月戊申幸襄城宮

太宗謂侍臣曰今天下無事四夷賓服唯須守此成功以養百姓
因指殿而言曰安百姓者如造此舍經始斯畢安可改移若易一
椽增一瓦人足競踐良工揮墨搖其梁棟所壞益多亦猶百姓既
安因而撫養若慕奇功變法制不恒其德必致勞擾

御覽一百七十五

冊府十八亦載此事未言何年據通鑑係

十五年七月丙子事

太宗詔朝集使刺史以上升殿親問之曰卿等在州何以撫教定
州刺史薛獻對曰老者國家所養臣每存恤之少者國家所使臣

每勸誡之田疇荒廢漸加墾闢禮義既行產業咸振此皆稟之聖化非臣之力太宗曰如公之所奏足稱循良清淨爲政朕所望於公等也

御覽二百五十八 冊府一百四詔下無朝字集下無使字所養作所敬所使作所養誠作戒事在十五年九月癸酉

十六年

太宗謂侍臣曰朕頃覽劉聰傳聰將爲劉后起鸚儀殿廷尉陳元達諫聰大怒命斬之劉后手疏啟請甚切聰怒解而甚媿之人之讀書欲廣聞見然非知之難也朕近於藍田市木將別爲一殿取制兩儀仍構重閣其木已具遠想聰事斯作遂止

御覽一百七十五 冊府五十六太宗作帝頃下有因字無然非知之難也六字而有行之難也四字蓋兩書各脫一句耳係

舊唐書逸文卷一

三

懼盈齋

十六年二月壬寅事

貞觀中烏菴國遣使獻龍腦香

御覽九百八十一 按會要九十九烏菴國貞觀十六年十一月朝獻使至冊府九百七十叙烏菴獻龍腦香正在是年是月

十七年

太宗觀源於西宮見魚躍焉問其故源者曰此當乳也於是中網而止

御覽九百三十五 冊府四十二事類賦注二十九並同據冊府係十七年三月事

貞觀中杭州言木連理二十四株有樗梨二木合爲一體

御覽九百六十九 冊府二十四同在十七年三月又按此條與上條皆係三月事未知日之先後今姑並列以俟考

太宗謂侍臣曰朕自皇太子立也遇物必誨見其將飯告稼穡艱難不奪農時乃可常有

御覽八百五十 冊府一百五十七告下有曰字有下有其食

二字係十七年閏六月事通鑑亦在閏六月辛亥

貞觀十七年安禮門御榻產靈芝五莖又皇太子寢室中產素芝十四莖悉爲龍鳳之狀

御覽八百七十三 又九百八十五悉作並龍下有興字鳳下

貞有翦字狀作形冊府所引亦然惟素作紫十上有二字會要二

十八無興字翦字餘與冊府同 按皇太子寢室事冊府及會

要皆在十七年九月而安禮門事會要不載冊府則在十五年五月乙酉今旣無他書可考姑從御覽列於此年

貞觀十七年潞州言所部川源徧生芝草百寮及雍州父老上表

固請封禪

御覽八百七十三 冊府二十四載十七年十一月景雲見事

疑奏芝草生亦在是月

十八年

貞觀中諸州所舉孝廉賜坐於御前上問以皇王政術及皇太子問以曾參說孝經並不能荅太宗謂曰昔楚莊王議事羣臣莫逮退而有憂色曰諸侯能自得師者王自謀而莫己若者亡今不穀之不德羣臣莫吾逮吾國幾於亡乎朕發詔徵天下俊異纒以淺近問之咸不能荅海內賢哲將無一人耶朕甚憂之

御覽六百二十九 冊府六百四十三紀此事於十八年三月

己丑諸州作有鄜州曾參說孝經作夫子何以爲曾參說孝經

語義較備會要七十六諸州上有引汴鄜三字孝經上無說字

昔楚莊王昔作自羣臣上有以字無議事二字自謀作自爲謀
今下有以字羣臣下有言字幾作能免一人作其人係十八年
二月六日事冊府六百四十三所引甚詳紀此事於是年三月
己丑蓋據實錄今並存之以備考

貞觀十八年命將征遼東安州人彭通請出布五十段以資征人
上喜之比漢之下式拜宣議郎

御覽八百二十 據通鑑命張儉擊遼東在十八年七月疑卽
是月事冊府一百八十五亦作十八年命將作太宗彭通作彭
惠通布下有帛字十作千上喜作太宗嘉比下有于字拜下有
爲字議作義

太宗謂侍臣曰屨性含水待月而水生木性懷火因燧而燄發人
性含靈待學而成美

御覽九百四十一 冊府一百五十七太宗作帝美下有卿等
其志之五字係十八年九月事

舊唐書逸文卷

三

懼盈齋

貞觀中皇太子上表曰臣聞直筆記言諫司箴過蓋絕代之通訓
乃垂裕於當今臣以暇日遐覽前志竊惟古之養德咸有史官所
以補闕拾遺爲砥爲礪彰善癉惡如切如磋譬立準而端形猶琢
玉而成器故大戴禮曰太子免於保傅之嚴則有司過之史漢書
云太子旣冠成人乃有記過之史是知姬誦登兩肇建此官劉啟
昇儲憲章斯義故能道溫玉裕聲聞宸宮上有愆於皇情下無虧
於物議臣地居問寢齒橫經越以幼年宿蒙天獎趨紫宸以遵禮
仰黃屋以承歡怙聖慈而益驕恃鍾心而取忤肅恭馳道恐或乖
方晨昏視膳慮有違舛蒙泉始道必俟後乘之規離光未融懼腹
前星之曜是以夙興夜寐內省多憂延首讜言冀匡童昧而魏晉

已降不置此員杜絕箴規何期甚謬伏惟陛下窮神稽古尚擇芻蕘之言元覽文明猶開登石之路況臣沖藐未涉藝文出自深宮便親監撫之重罕從鼓篋疇識絃誦之宜一德有儀貽憂睿念三朝登餞何以勝任所以冒敢陳聞請遵故實願開史職用司箴誡是使綿載墜典復在聖朝資此正人少建不逮於是門下坊置太子司議郎四人妙選名行之士爲之正六品上掌侍從規諫駁啟奏并錄東宮記注分判坊事

御覽二百四十六 會要六十七所以上有今字願開作願置用司作用爲司議上無太子亨侍從作侍奉駁下有正字係十八年十月四日事

貞觀十八年山南獻木連理交錯玲瓏有同羅目一丈之幹並枝者二十餘所

舊唐書逸文卷一

五

權盈齋

御覽八百七十三 又九百五十二目誤作木事類賦注二十四亦然冊府二十四所引幹作餘係十月事會要二十八幹亦作餘在十月八日

十九年

貞觀中太宗親征高麗駕次定州兵士到者幸定州城北門親慰撫之有從卒一人病不能起太宗招至牀前問其疾苦仍勅州縣厚加供給凡在征人欣然縱有病者悅之忘疾

御覽二百八十 冊府一百三十五載定州事在十九年三月

文較御覽詳起作進招作召牀前作御牀問其疾苦作親加撫慰仍勅州縣厚加供給作付州縣廩療之餘亦互有异同典一百五十二疾苦作所苦勅作勒之忘疾作以忘疲通鑑至定

州在三月丁丑

太宗征遼車駕次遼澤下詔曰日者隋師渡遼時非天贊從軍士卒骸骨相望遍於原野良可哀歎掩骼之義抑惟先典其令并收葬之

御覽二百八十一 冊府四十二無車駕二字葬作瘞係十九年五月事據通鑑車駕至遼澤在五月庚午度遼水在丁丑此詔之降當在數日之中全唐文卷七葬亦作瘞

貞觀中詔曰皇太子與百官書疏未有制式近代已來例皆名白無以別貴賤今凡處分論事之事皇太子並書令右庶子已下署名宣奉行書案畫日其餘與諸親友師傅等書不在此限

御覽二百四十五 會要二十六云十九年五月十日高士廉劉洎等表稱皇太子與百官書疏先無體式請定其儀下文卽載此詔蓋亦五月所降也惟並書作並畫右庶子已下作太子

舊唐書逆文卷一

天

懼盈齋

左右庶子已下署下有姓字親上無諸字等下無書字又卷四及全唐文卷七與百官書疏未有制式作地在震方禮絕羣后而令書法式未著彝章白下有謙過逼下書依眾庶八字賤下有之差將何顯尊卑之序理非通允宜有更張十七字凡上無今字之事作之書並書作並宜畫右上有左字已作以畫日上有次字此字會要無友作及通典三十白作目之事作之書並書作並宜稱無案畫日三字友作及

師次白巖城將軍李思摩中弩矢太宗親爲之吮血從行文武競思奮勵

御覽二百八十 按通鑑此事在十九年六月丙申通典一百五十二從行上有由是二字

太宗征高麗回次營州詔遼東戰死骸骨並集柳城東南有司設

太牢以祭之太祖臨哭盡哀從臣無不流涕帝親爲文祭之曰忠烈蓋世往賢明軌忘身徇國先哲良規惟尔等懷忠立節重義輕生奮劍提戈摧城陷陣冒鋒刃而不顧赴湯火以如歸殞命戰場殘形寇壘膏原潤鉞身喪名存搖落寒關遂非生入蒼茫雷野無復餘蹤山川宛其不殊存亡感焉非昔然則身者今之所重名者後之所貴身乃常有而愚夫怯焉功則難立惟烈士成焉去一生之短期收千載之令譽此聖賢之操也豈直忠勇者乎所以按轡停輿撫膺一慟嘉乃誠節痛尔遺靈酒俎旣陳魂其斯亨

御覽五百九十一 又二百八十回次營州作及軍迴行次柳

城詔遼東戰死骸骨作詔集戰亡人骸骨太祖作太宗臨哭作

慟哭據通鑑係十九年十月丙午事冊府一百三十五遼東下

有道字戰死作戰亡人太祖亦作太宗帝親爲文祭之作御製

舊唐書文卷一

无

懼盈齋

祭文忠烈上有夫字蓋作盡全唐文同爾等下有心苞全唐文同鐵

石志烈全唐文同風霜勇氣雄圖衝冠裂帛十六字膏原潤鉞作

膏潤原鉞全唐文同雷野全唐文同餘蹤下有涉出塞之前途掩靈

纓而反骨歌陽春之往路黯長夜之歸魂二十四字全唐文同去作

若以餘並同惟以十九年事爲十年事當是傳寫脫誤通典百

五十二太祖亦作太宗臨哭亦作慟哭從臣爲之流淚作軍人

無不灑泣

軍人無不灑泣兵士觀者歸家以言其父母曰吾兒之死天子哭

之死無所恨

御覽二百八十 按通典一百五十二此數語卽在上條慟哭

盡哀下蓋御覽兩卷所引互有詳略耳

太宗回次易州界司馬陳元壽令百姓種蔬坭上而微火煦之欲

其速生以擬供進太宗聞之責其諂媚詔免官

御覽九百七十六 冊府一百五十二太宗作帝次上有征遼
二字坭作坑係十九年十一月庚辰事通鑑同
貞觀十九年陝州有石理成文曰李君王三字甚明

御覽八百七十三 冊府二十四所引有石作言青石無甚明
二字係二十年十一月事未知何據今姑從御覽列於是年之
末

二十年

太祖行次虛石縣指獄而謂皇太子曰此何謂皇太子對曰此所
謂圓獄將繫罪人太宗因曰文王作罰刑茲无赦而漢文帝志在
輕刑但以詳平爲佳非謂有罪而釋也濫繫无辜則政道缺久濡
有罪則怨氣生圓土之中仰視青天有同懸鏡而鑠械膚體鬱結
其中夫循諸己者可以知物傳曰其恕乎由此言之不可不慎

舊唐書逸文卷一

三

懼盈齋

御覽六百四十三 按太祖當作太宗冊府一百五十一所引
虛作靈何謂下有也字圓作圓太宗作帝詳平作平允而釋作
卽釋繫作殺濡作滯循諸已作脩已係二十年二月帝征遼同
時事

太宗嘗於晉史右軍傳後論之曰鍾書布織濃分疏密霞舒雲卷
無所間然但其體古而不今字長而逾制獻之雖有父風殊非新
巧疏瘦如陵冬之枯樹槎枿而無屈伸拘束若嚴家餓隸羈羸而
不放縱蕭子雲無丈夫之氣行行如縈春蚓字字若縮秋蛇臥王
濛於紙中坐徐偃於筆下以茲播美豈非濫名耶所以詳察古今
研精篆素盡善盡美其惟王逸少乎

御覽七百四十七 會要二十五父風作異風殊非作殊俗槎

上有雌字餓上有之字羈上有惟字字字若作步步如徐偃作徐姬豈下少非字其惟句下有觀其黠曳之工裁成之妙烟霏露結尖若斷而復連鳳翥龍蟠勢若曲而還直玩之不覺爲倦覽之莫識其端心務力追此人而已四十八字 按據房元齡傳晉書之修在貞觀十八年其告成在二十年據會要三十六晉書之成在是年閏三月太宗此論未審作於何年今姑列於二十年以俟考

二十一年

二十一年玉華宮李樹連理隔澗合枝

御覽八百七十三 又九百六十八及事類賦注二十六所引

二十一年作貞觀中會要二十八在是年正月冊府二十四在二十二年正月疑各有據今姑從御覽會要

舊唐書逸文卷

五

懼盈齋

貞觀中陘洹國王察失利多婆末那遣使獻白鸚鵡毛羽皓素頭上有紅毛數十垂與翅齊并五色鸚鵡各一

御覽九百二十四 按陘洹傳貞觀十八年來朝其獻鸚鵡則在二十一年惟不言何月會要九十九叙此作擣陘洹國即以爲貞觀十八年事非也冊府九百七十無王察失利多婆末那遣使十字十下有莖字一下有及婆律膏四字係二十一年二月事

太宗時葉護獻馬乳蒲萄一房長二丈餘子亦稍大其色紫

御覽九百七十二 會要一百所載二丈餘作二尺冊府九百

七十與御覽同 按御覽載是年諸國貢物據冊府皆在三月

據會要皆在三月十一日今就其所錄次第條列於後

太宗時伽毘國獻鬱金香似麥門冬九月花開狀似芙蓉其色紫

碧香間數十步花而不實欲種者取根

御覽九百八十一 會要所引似麥上有葉字狀似作狀如花
作華者取作取其冊府與會要同惟無其字

太宗時健達獻佛土菜一莖五葉花赤中心正黃而藥子紫色泥
婆羅獻波稜菜葉類紅藍實如蒺藜火熟之能益食味又有酢菜
狀似芹而味香渾提慈其狀猶慈而甘辛

御覽九百七十六 又九百八十一引泥婆至食味與此同會要

所引達下有國字蓋下無子字羅下有國字類上無葉字實上

有花字如作似又下無有字酢菜下有狀如菜澗而長味加美

鮮苦菜狀如苣其葉澗味雖少苦久食益人胡芹二十八字似

作如狀猶作狀如甘辛作白辛冊府佛土菜作佛土葉中心作

心中泥婆羅作泥鉢羅藥下無子字類上無葉字酢菜下有狀

類慎火葉澗味雖少苦久食益人胡芹十六字

貞觀二十一年西蕃吐陸可汗獻金卵瓶鳥鷺也彫刻作禽獸而

塗以黃金

御覽九百二十八 冊府吐作咄瓶作餅會要吐陸作咄祿瓶

作鷄駝無黃字

蕃胡國出石蜜中國貴之上遣使至摩伽池國取其法令揚州煎
諸蔗之汁於中厨自造焉色味逾於西域所出

御覽八百五十七 會要蕃上有西字上作太宗池作佗蔗上

無諸字出下有者字

蒲萄酒西域有之前代或有貢獻人皆不識及破高昌牧馬乳蒲
荷實於苑中種之並得其酒法太宗自損益造酒為丸有八色芳
辛酷烈味兼醜益既頒賜羣臣京師始識其味

御覽九百七十二 會要代作世無人皆不識四字牧作收無
太宗二字爲九作酒成凡辛作香益作酬師作中冊府所引牧
作收太宗作帝爲九作成凡醜益作緹盜事類賦注十七所引
亦無人皆不識四字牧作收太宗作上爲九作成凡辛作香益
作益頌上無既字識上無始字 按御覽八百四十四引與事
類賦注悉同惟辛作春係誤字

貞觀中考功員外郎王師旦知舉時冀州進士張昌齡王公直並
有俊才聲振京邑而師旦考其文策全下舉朝不知所以及奏等
弟太宗怪無昌齡等名因召師旦問之曰此輩誠有詞華然其體
性輕薄文章浮豔必不成令器臣若擢之恐後生相放有變陛下
風雅帝以爲名言後並如其說

御覽六百二十九 冊府六百五十一 公直作公理等弟作第
等問之下有對字相放作相效其說作其言會要七十六公直
作公瑾餘與冊府同在二十二年九月通典十七在二十三年
九月直亦作瑾全下作黜之體下無性字放下仍有倣字通鑑
則紀此條於二十一年五月公直作公治蓋因張昌齡獻翠微
官頌而追叙其應舉時事至於王師旦知貢舉之年旣無可攷
而二十二年九月無幸翠微宮事二十三年九月太宗已崩今
從通鑑列於二十一年

二十三年

貞觀二十三年肅州醴泉出有文石五彩蓋泉

御覽八百七十三 會要及冊府皆不載此事未知何月

年月無考

太宗思隋氏失道皇運開基因而序之以明誠慎申筆書石命工

刻之以賜皇太子其詞曰昔隋季崩離天綱弛紊波濤沸四海氛霧塞三光鬼哭石言人怨神怒丁壯疲於兵甲老弱弊於飢寒嬰骨百城流血千里宮闕變爲禾黍中原化爲寇場余以弱齡屬當厄運思靖大難以濟蒼生秣馬揮戈風驅電掃剋平八表臨撫萬方聊因暇景載懷興亂厯想前代暗君庸主莫不恃其智力則輕侮聖賢騁其文才則不尊道德縱其口辯以飾非肆其姦言以拒諫昏迷酒色習近讒邪暴疾黎元窮其轍跡傾危莫悟以至滅亡明鏡不遠於焉自鑒

御覽五百九十一

太宗召太子舍人陸敦信勞之曰余所錄古先太子善惡之事多所規諷誠有可喜因賜帛五十疋

御覽八百十八 冊府七百十一 叙此事喜作嘉

舊唐書逸文卷一

三

懼盈齋

太宗謂侍臣曰夫仁義之道當思之在心常令相繼若斯須懈怠則去之已遠猶如飲食資身恒令腹飽乃可存其性命

御覽八百四十八

貞觀中度支郎以宋謝朓詩云芳洲多杜若乃下坊州令貢州判司報云坊州不出杜若應由謝朓詩誤太宗聞之大笑判司改雍州司法度支郎免官

御覽九百八十三

貞觀中議封禪又議立碑勒石紀號垂裕後昆美盛德之形容闡後王之休烈其義遠矣

御覽五百八十九 按此條疑論中逸文

高宗紀上

永徽二年

永徽中吐谷渾河源郡王慕容納遣使獻駿馬上問其馬之種性對曰臣國中之最者所以獻之上曰馬人之所欲豈可取彼不足而加我之有餘哉乃命卻之

御覽八百九十五 冊府一百六十八納作諾曷鉢上曰下有

良字取作輟卻作還係永徽二年閏八月事 事類賦注二十

一無河源以下七字對上有使者二字餘與冊府同

永徽二年藍田縣令田仁獻瑞石文理成字曰天安永得立

御覽八百七十三

五年

舊唐書逸文卷二

懼盈齋

高宗永徽五年六月濟州黃河清十六里

御覽八百七十三 冊府二十四州下有言字十上有一字里

下有皎然澄徹四字

顯慶元年

顯慶元年前上御安福門樓觀大酺胡人欲持刀自刺以為幻戲上不許之乃下詔曰始聞在外有婆羅門胡等每於戲處乃將劍刺肚以刀割舌幻惑百姓極非道理宜並遣發還蕃勿令久住仍約東邊州若更有此色並不須遣入朝

御覽七百三十七 按高宗紀永徽七年正月壬申大赦改元

為顯慶大酺三日此條當是其下之佚文全唐文十二始聞作

如聞遣發作發遣

二年

高宗製元首前星維城股肱等誠以示侍臣禮部尙書宏文館學士許敬宗又上表請總名爲天訓并請注解許之及注畢敬宗爲之序

御覽五百九十一冊府四十高宗作帝許敬宗下有等表請班示天下帝謙不許敬宗十三字係顯慶二年六月事

四年

高宗朝詔自今已後天下嫁女受財三品已上之家不得過絹三百疋四品不過二百疋六品七品不得過百疋皆充所嫁女之資裝等用其夫家不得受陪門之財

御覽八百十七

通典五十八四品不過作四品五品不得過

百疋上有一字皆上有八品以下不得過五十疋十字資上無

舊唐書逸文卷二

二

懼盈齋

之字係顯慶四年十月事會要八十三自上仍有字資裝作費粧餘與通典同在顯慶四年十月十五日通鑑叙此事在四年

十月壬戌

顯慶中高宗以許敬宗所撰太宗實錄所記多非實乃謂劉仁軌曰朕昨觀國史所書多不周悉卿等必須窮微索隱原始要終盛業鴻勳咸使詳備至如先聖作威鳳賦意屬阿舅及士廉敬宗乃移向尉遲敬德傳內又嘗溫湯教習長圍四合萬隊俱前忽然雲霧晝昏部伍亂錯先聖旣覩斯事恐其挂法者多遂潛隱不出待其整理然後臨觀顧謂朕曰振旅訓兵國之大典此之錯失於法不輕我若見之必須行法今我不出良爲於此今乃移向魏徵傳中稱是徵之諫語此旣乖於實何以垂之後昆朕嘗從幸未央宮辟仗已過忽於草中見一人身帶橫刀其人云聞辟仗至怕不敢

出仗家搜索不覺遂伏不敢動先聖斂轡卽還顧謂朕曰此事若發數人合死汝可後伺看早放出之史家唯此一事差似不失其真郝處俊曰先聖仁恩觸類皆是臣弟傑往年宿衛之日被差腰輦供奉見有三衛誤拂御衣此人怕懼五情無主先聖謂之曰此間無御史我不爲汝作罪過不須懼上謂處俊曰此亦須入史于是處俊等引左史李仁實專掌其事

御覽六百三 會要三十六朕昨觀上有先朝身環甲冑親履

兵鋒戎衣霑馬汗靦螿生蠟虱冊府五百五十六靦作輿削平區宇康濟生

靈數年之間四海甯冊府五百五十六靦作輿晏方始歸功上帝臨馭下人四十

六字亂錯作錯亂挂法作枉法行法下有一虧冊府五百五十六靦作輿軍政得

罪人多八字今我作我今此既作此皆實下有錄字草中作軍

中冊府汝可下有於字後下有堂字冊府有於字無堂字臣弟傑傑上有

處字冊府三十無御史史作衣冊府五百五十六不須下有怕

字入史下有至三月詔太子左庶子同中書門下三品劉仁軌

吏部侍郎同三品李敬元中書侍郎郝處俊黃門侍郎高智周

等並修史四十七字于是處俊等作仁軌等冊府五百五十六約同按

御覽作顯慶中會要冊府五百五十六以此事屬于顯慶四年通鑑

紀此事在咸亨四年三月丙申冊府他卷三亦作咸亨四年據

許敬宗傳及通鑑敬宗歿於咸亨三年蓋既歿之次年恩眷已

衰始下改修實錄之詔若顯慶四年正敬宗被寵之日且郝處

俊劉仁軌官秩未崇無緣有此事也當以咸亨爲是今姑從御

覽列於顯慶而附注其誤焉

龍朔元年

龍朔元年三月一日上召李勣等講於城門觀屯營新教之舞名

之一戎大定樂皆象親征遼東而用武之勢也

事類賦注十一 按音樂志一與此條事同文異屬諸顯慶六年三月據高宗紀改顯慶六年爲龍朔元年卽在是年三月丙申朔當從事類賦注會要三十三叙此事與音樂志約同亦云龍朔元年三月一日

高宗狩于陸渾縣六日止飛山頓高宗親御弧弓獵四鹿及兔數十頭晚次御營望見太官烹宰欲供百官之膳因問侍中許圜師曰朕目擊彼羊在於格下見其無罪就戮非無憫惻之情今欲以死獸易之可乎圜師對曰昔宋文侯見人欲將牛羹鍾因曰吾觀此牛齧觶似無罪而就死也乃不羹鍾陛下取已死之鹿代欲剖之羊則堯舜之用心也遂釋其羊不殺九日又於山南布圍大順府果毅王萬興以輒先促圍集衆欲斬之上謂侍臣曰軍令有犯罪在不赦恐外人謂我翫好畋獵輕斷人命又以其經從征遼有功特令放免

舊唐書卷二

四

權盈齋

御覽八百三十一 會要二十八止作至獵作獲兔上有雉字

太作大宰作羊憫惻作惻但曰上無對字宋文侯作齊宣王將牛下有以字吾作我死也作死地恐上有但字斷作棄經作會免下有上于是製冬狩詩七字係龍朔元年十月五日事 冊府四十二叙此事飛作非兔上有雉字又一百十五亦然陸渾縣下有戊辰二字均在龍朔元年十月 按高宗紀是年十月丁卯狩于陸渾癸酉還宮此條當補於癸酉之上

二年

龍朔二年四月上自爲書與遼東諸將謂許敬宗曰許圜師常自愛朕書可于朝堂開示圜師見驚息私謂朝官曰圜師見古跡多

矣魏晉已後惟稱二王然逸少有力而妍子敬妍而少力今觀聖
跡兼絕二王鳳翥鸞迴實古今書聖

御覽七百四十七 會要三十五愛下無朕字見下有而字二
跡字皆作迹稱作茲有力作少力

高祖朝諸宰臣於政事堂供饌珍美議減其料東臺侍郎張文瓘
曰此食天子所以重機務待賢柬才也吾輩若不任其職當自陳
乞以避賢路不可減削公膳以邀求名譽也國家之所費不在此
苟有益於公道斯亦不爲多也衆乃止

御覽八百四十八 會要五十三宰臣於作宰臣以才上無柬
字當自作當卽不在下有於字係龍朔二年事 按龍朔係高
宗年號御覽之高祖當改爲高宗據文瓘本傳其爲東臺侍郎
正在龍朔時冊府三百二十亦無柬字費作費多作名大唐新
語卷七機務作樞機無柬字若上無吾輩二字以邀求名譽也
作以邀虛名家下無之字費亦作費

麟德元年

麟德元年亳州奏老君廟側生三脊茅

御覽八百七十三 按此事未知何月俟考

高宗紀下

總章元年

高宗朝文武官獻食賀破高麗上御元武門之觀德殿奏九部樂
極權而罷

御覽八百四十八 冊府一百十上作帝殿下有宴百官三字
奏作設罷下有賜帛各有差五字係總章元年十月癸丑事

按高麗之平在是年九月癸巳高宗紀是年十月以後事皆闕

當以此條補之

二年

高宗駕幸自九成宮還宮乃西狩校習自麟遊西北遶岐梁厯普潤止雍爲兩圍殿中侍御史杜易簡賈言忠監圍山阜懸危杖策不得斃停凡五日而合劾奏將軍劉元意黃河上等斷圍元意抵罪黃河上圍日軍容齊整詔特原之

御覽八百三十一 會要二十八駕幸作車駕還宮作還京止作至杖上有躡躡二字等有處字抵上有竟字係總章二年九月事 按高宗紀是年九月己亥發自九成宮壬寅停華林頓大蒐于岐此條蓋卽其處佚文

咸亨二年

高宗時周澄國遣使上表云訶伽國有白象首垂四牙身運五足

舊唐書逸文卷一

六

懼盈齋

象之所在其土必豐既有威靈又弭災患力兼十象強制百人以水洗牙飲之愈疾請發兵迎取以獻之上謂侍臣曰夫作法於儉其弊猶奢誰復能制故聖人越席以昭儉茅茨以誠奢書云珍禽奇獸不育於國知無益之源不可不遏朕安用奇象令其遠獻乃勞其使而遣之

御覽八百九十一 事類賦注二十節引此條獻下無之字上下無謂侍臣三字無上無知字 冊府一百六十八上謂侍作帝謂使夫上有舜用漆器而人叛紂用玉杯而國亡此亦所費不多但是奢麗之漸不可啟也三十字猶奢下有作法於奢四字誰復能制作豈能制止知上有方字係咸亨二年五月事全唐文九百九十九亦作咸亨二年表文與御覽同

永隆元年

高宗時太子賢敗太子洗馬劉訥言給事中唐之奇並坐私附庶人配流嶺外訥言博學有文詞以漢書授賢賢甚重之嘗撰續排諧集十五卷賢覽之以爲笑樂及賢廢宮中搜得之上怒曰經典誘人猶恐不能遷善排諧鄙說是導之以邪也遂徙震州而死

御覽六百一 按通鑑叙此事在永隆元年八月 又按儒林

秦景通傳後附劉訥言傳叙此事互有詳畧震州作振州新書

訥言傳及通鑑同

年月無考

高宗朝太僕以患疥馬乳造酪供進署承罪當死上特免之

御覽八百五十八 按承當作丞

高宗嘗問羣臣求可爲御史者僉舉萬年尉楊子夫其居數月復

問之羣臣又舉焉上曰吾聞斯人嘗褻服居公堂視事其可爲準

舊唐書逸文卷二

七

權盈齋

繩司乎由是百司羣僚必表而視事

御覽二百二十七 通典二十四又作復嘗作常以必表而視

事視作親

則天皇后紀

光宅元年

武后初徐敬業舉兵於江都稱匡復皇家以蓋屋尉魏思溫爲謀主問計於思溫對曰明公旣以太后幽繫少主志在於匡復兵貴神速但宜早度淮北親率大衆直入東都山東將上知公有勤王之舉必以死從此則指日刻期天下必定敬業將從其策薛璋又說曰金陵之地王氣已見宜早應之兼有大江設險足可以自固請且攻取常潤等州以爲王霸之業然後率兵北上鼓行而前此則退有所歸進無不利實爲良算也敬業以爲然乃自率兵四千

人南度以擊潤州思溫密謂杜求仁曰兵勢宜合不可分今敬業不知并力渡淮率山東之衆以取洛陽必是無能成事命也可知敬業尋亦悔之所以遂敗

御覽二百九十三 按通鑑敘此事在光宅元年九月武后紀載敬業舉兵亦在是年九月此條卽其處逸文通典一百五十四志在下無於字神速作拙速尋亦作尋以

武后初徐敬業起兵於揚州武太后令將軍李孝逸討之敬業拒于高郵之下阿谿敬業置陣旣久士卒多疲怠皆顧瞻陣不能整孝逸遂率衆擊之因風縱火敬業懼燒營而退孝逸進擊大破之御覽二百八十九 又三百十三武后作光宅初下有武太后臨朝稱制七字起兵二字在州字下太后上無武字而有以匡復皇家爲辭月餘致精卒數萬十四字令作遣討上有領兵二字拒于高郵之作率軍拒於敬業 至破之作方成列敬業謂其徒曰自知衣甲非厚者居後衆乃爭退孝逸之師因其動噪而奔擊乃大破焉 按此事據通鑑在光宅元年十一月通典一百五十五燒下無營字餘與御覽二百八十九同又一百六十一二所引月餘下有日間二字破作敗餘與御覽三百十三同

垂拱四年

垂拱四年三月有月桂子降於台州經十餘日乃止

御覽九百五十七

天授元年

天授元年有進三足鳥者天后以爲周室嘉應睿宗時爲皇嗣言曰鳥前足僞也天后不悅須臾一足墮地果如其言

御覽九百一十 冊府四十六無睿宗時爲四字皇嗣言曰作

太子曰須臾下有而字 事類賦注十九應作瑞曆作中言下
無曰烏二字偽下無也字須臾下有烏字果在墮上無如其言
三字 按皇嗣之名武后所創惟曆宗會膺此號作中宗者非
也况是年中宗尚在房州安得有是言耶 又按武后改唐爲
周降曆宗爲皇嗣在天授元年九月九日此條當是九月以後
之事

長壽二年

長壽二年元日大雪其夜質明而晴上謂侍臣曰俗云元日有雪
則百穀豐未知此語有何故實文昌右丞姚璠對曰汜勝書云雪
是五穀之精以其汁和種則年穀大穰又宋孝武帝大明五年元
日降雪以爲嘉瑞上曰朕臨御萬方心存百姓如得年登歲稔此
即可爲大瑞雖獲麟鳳亦何用焉

舊唐書卷三

九

懼盈齋

御覽八百三十七 會要二十八元上有正月二字質上無其
夜二字故上無有何二字右作左勝下有之農二字汁和種作
協和種作穫御上無臨字爲上無可字瑞上無大字
長壽二年冬十月萬像神宮側有檉松樹皆變爲柏

御覽九百五十四 新書五行志紀此事像作象松作杉

大足元年

天后西幸京師路經楊元感墓上誦李百藥過元感墓詩云劍有
萬人敵文爲一代英除昏志不遂僭亂道難平歎曰百藥唯解綴
文不識大義

御覽五百五十八 按武后自革命以後皆居洛陽惟大足元
年曾一至京師本紀是年冬十月幸京師通鑑是年冬十月壬
寅太后西入關辛酉至京師此事必在壬寅以後辛酉以前

長安三年

武后將如洛陽至闕鄉縣界騎忽不進召巫者問之巫言晉龍驤將軍王濬云臣墓在道南每爲採樵者所害聞聖駕今至故來哀告后勅去墓五里不得採樵

御覽七百三十五 按武后自革命以後惟長安三年曾由京師至洛陽闕鄉乃其必由之地本紀是年冬十月丙寅駕還神都乙酉至自京師通鑑亦言是年冬十月丙寅車駕發西京乙酉至神都此事當在丙寅以後乙酉以前

中宗紀

中宗爲皇太子天后以時熱令皇太子外朝用扇障日太子讓之詔不許

御覽七百二 冊府二百六十一 天后作則天令作詔用扇上有令字讓之作抗表固讓詔作優制在長安二年七月丙戌

神龍元年

神龍元年趙冬曦上書曰臣聞今之律者乃具千條餘近有隋之姦臣將弄其法故著律曰犯罪而律無正條者應出罪則舉重以明輕應入罪即舉輕以明重立一言而廢其數百條自是迄今竟無刊革遂使死生必由乎法律輕重必因乎愛憎受罰者不知其然舉事者不知其犯臣恐賈誼見之必爲之慟哭矣

御覽六百三十八 會要二十九書下無曰字今上有夫字乃上有昔字具作有餘在條上有作者即作則立一言作立夫一條必由作罔由因作由係是年正月事通典一百六十七與會要同惟輕重必由仍作必因受罰作賞罰必爲下無之字矣作爲全唐文二百九十六與會要同惟乃上無昔字將弄作侮弄

立一言作立夫一辭受罰作被罰必爲之慟哭矣作慟哭必矣矣下有夫立法者貴乎下人盡知則下不敢犯而遠機筭文義深則吏乘便而朋附盛律令格式謂宜刊定科條直書其事其以準加減比附量情及舉輕以明重不應爲之類皆勿用使愚夫愚婦相率而遠罪犯者雖貴必坐律明則人信法一則主尊九十三字 按神龍本武后年號是年正月 中宗復辟而年號仍舊冬曦上此書當在中宗新政之初必非武后寢疾之際故定爲中宗紀逸文

神龍中陳州官舍有李樹黃落將盡忽更鮮茂而生花焉

御覽九百六十八 按此條雖但言神龍未書年月然李花鮮

茂乃中宗復位之祥疑神龍元年之事今姑列於是年以俟考

景龍二年

舊唐書逸文卷一

十一

懼盈齋

御史中丞姚庭筠奏稱律令格式懸之象魏奉而行之事無不比比見諸司察案不能遵守章程事無大小皆悉聞奏臣聞爲君者任臣爲臣者奉法故云汝爲君目將司明也則知萬機務綜不可徧覽也所以設官分職者委任責成百工惟時以成垂拱之化比者或修一水牕或伐一枯木並皆上聞旒展取斷宸衷豈代天理物至公之道也自今已後若緣軍國大事及牒式無文者任奏取進旨自餘據章程合行者各令準法處分其故生疑滯致有稽失者請令御史隨事糾彈上從之

御覽二百二十六 按會要六十一間在奏下分職下無者字

修上無或字旨作止請作望令下有準字糾作糾係景龍二年

十二月事通鑑同冊府五百十六已後作以後旨作止各令作

合令故生上有有字致有作有致糾作糾無上字通典二十四

奏下無稱字司明作思明明下無也字至公作至化已後作以後旨作止故生上有有字亦在景龍二年十二月

四年

景龍四年正月八日立春上令侍臣自芳林門經苑東度入仗至望春宮迎春內出綵花樹人賜一枝

御覽二十

景龍中中宗孝和帝以立春日宴別殿內出翦綵花令學士賦之御覽二十 按此條與上條疑是一時之事然無明文可證姑列於此以俟考

睿宗紀

景雲元年

景雲長安縣令李朝隱加太中大夫朝隱之宰京縣也政刑畢舉

權豪懾憚有內寺伯非禮干忤朝隱叱繫於獄上嘉焉故有此命

御覽二百六十八 按通鑑叙此事在景雲元年十二月御覽

景雲下疑脫元年十二月五字舊書睿宗紀景雲元年脫去十

二月事當以此條補之朝隱傳叙此事亦在睿宗時冊府七百

六景雲下有初字令上無縣字無太中大夫至縣也十二字上

嘉焉作睿宗嘉之故有此命作加朝隱大中大夫又七百一所

載事同而文異並載有睿宗褒美制文

和元祐爲千牛衛長史先是元祐獻詩十首其詞猥陋皆寓言雙幸而意及兵戈韋氏命拘於大理而將戮月餘而韋氏就誅其詩言若同符讖故上聞而拜之

御覽二百四十八 冊府五百四十九祐作祐千牛衛作真化

府先是作景龍末寓言作寓意拘作鞠戮下有之字若下無同

字故上從而拜之作景雲初以元祐爲千牛衛長史 案唐宗
之改元景雲在唐隆元年六月其改元太極在景雲三年正月
是景雲名雖三年實止年半冊府旣云景雲初其爲元年無疑
惟不能定爲何月今姑列於是年之末

元宗紀上

先天二年

先天中元宗以皇親往龍首池祈禱有赤虵自池中而出雲四布應時澍雨

御覽九百二十九 冊府二十六元宗作帝池下無中字雲下有霧字係先天二年三月甲戌事

先天二年丁未江州獻靈龜六眸腹下有元文象卦文
御覽九百三十一 冊府二十四丁未作八月

先天中有王知道母患骨蒸醫云須得生人肉食之知道遂密割股上肉半斤許加五味以進母食之便愈

舊唐書逸文卷三

一

權盈齋

御覽三百七十五 冊府一百二十九王上有司奏孝子四字進母下仍有母字愈下有即託他疾臥不令母知州縣以狀聞宰相請賜束帛帝曰宜與一官以旌孝行三十字係先天二年事惟未言何月今姑列於是年之末

開元二年

開元二年紫微舍人六員每一頭商量事諸舍人同押連署狀進說凡事有是非理均與奪人心既異所見或殊抑使雷同情有不足臣今商量其事執見不同者望請別作商量狀連本狀同奏若狀語交孚恐須聖思臣既是官長望於兩狀後略言二理優劣奏聽進止則人各盡能官無留事勅曰可

御覽二百二十 會要五十五紫微下有令姚崇奏中書六字

頭作人說作說今作合其事作其大事別作便同奏作同進平

作互須作煩係是年十二月二十日事

七年

開元七年大拂涅鞞羯獻鯨鯨睛

御覽九百三十八 冊府九百七十一 鞞羯作鞞羯獻上有道使二字睛上有魚字下有貂鼠皮白兔貓皮七字係是年八月事

八年

元宗時國子司業李元瓘上言三禮三傳及毛詩尙書周易等並聖賢微旨學人教業必事資經先聖雖遠斯道不墜今明經所習務在出身咸以禮記文少人皆競讀周禮經邦之軌則儀禮莊敬之楷模公羊穀梁歷代崇習今兩監及州縣以獨學无友四經殆絕既事資訓誘不可因循卽望四海均習九經該備從之

舊唐書逸文卷三

二

懼盈齋

御覽六百八 會要七十五引此奏學人作生徒先聖雖遠作

遠則斯道作斯文崇作宗無既字循下有其學生望請量配作業并貢人參試之日習周禮儀禮公羊穀梁並請帖十通五許其入策以此開勸三十九字係開元八年七月事通典十五與會要同惟生徒作生人望請作請停各習上有凡字入策作入第冊府六百三十亦與會要約同惟競讀作諳讀望請下有各字參試作預試

九年

開元中許昌縣之唐祠掘地得古銅罇又隱起雙鯉篆書文曰宜子

御覽八百十三 冊府二十四許上有子字又有上字子下有孫字係開元九年二月事

十二年

開元十二年太原獻異馬駒其耳如筒左右各一十六肋肉尾無毛

御覽八百九十五 冊府二十四同係是年五月事

開元十二年宋州獻古銅鼎十九及鍾磬甗罇杓盤瓶各數四時宋城尉晉日休因版築獲而獻之

御覽八百十三 按此事未詳何月姑列於是年之末

十二年

開元十三年撫州三脊茅生石頭

御覽九百九十六 冊府三十六無石頭二字係是年四月乙

丑事

開元十三年河南府壽安縣人劉懷家有大麥六畝先熟與眾麥殊色其中有兩岐三岐四岐六岐者

舊唐書逸文卷三

二二

懼及臣齋

御覽八百二十八 冊府二十四紀壽安縣瑞麥事在是年五

月甲申

開元十三年兗州奏白雀見景戌上謂宰臣曰往者史官雜記災異將令王者懼而循德故春秋不書祥瑞唯記有年聖人之意明矣勅天下諸州府不得更奏祥瑞

御覽九百一十二 冊府二十四敘此事在九月會要二十八

無兗州奏白雀見六字上下有又字者作昔維作惟災作災循作修唯作惟勅上有遂字州下無府字係九月十三日事 按

新書元宗紀及通鑑叙止奏祥瑞事皆在九月丙戌御覽丙作景者蓋沿唐史避諱之文

十四年

元宗有五色鸚鵡能言育於宮中上命左右試牽御衣鳥輒瞋目叱咤岐王文學能延京因獻鸚鵡篇以贊其事上以鳥及延京詩示百寮尚書左丞相張說上表賀曰伏見天恩以靈異鸚鵡及能延京所述篇出示朝列臣按南海異物志有時樂鳥鳴皆云太平天下有道則見臣驗其圖丹首紅臙朱冠綠翼與此鸚鵡無異而心聰性辯護主報國故非常鳥凡禽實瑞經所謂時樂鳥也延京雖敘其事未正其名望編國史以彰聖瑞

御覽九百二十四 冊府二十四元宗有作帝至自汝州之温

湯時有兩熊字皆作能四京字皆作景上以作帝以皆云作皆曰太平在天下二字下辯作辨報國作報恩樂上無時字敘作

誠瑞下有許之二字係開元十四年十月己巳事又八百四十

同惟篇作賦實作寶 按元宗紀開元十四年十月庚申幸汝

舊唐書逸文卷三

四

懼盈齋

州廣成湯己巳還東都此條當次於其下

元宗幸置王憲宅與諸王宴探韻賦詩上詩曰魯衛情先重親賢受轉多冕旒豐暇日乘景暫經過戚里申高宴平臺奏雅歌復尋爲善樂方驗保山河

御覽五百九十一 冊府一百十上作帝受作愛係十四年十

一月己丑事又卷四十但云十一月一百十三則云十一月丁

巳賦詩下並有卽日還宮四字英華一百七十五受亦作愛驗

作念

十六年

開元中勅所選皇太子及諸王等妃既是百官子女禮合避人今遣就本縣及過本司未爲得所其應預妃者宜令所司具名錄奏各令女及近親隨使於命婦朝堂待進止

御覽一百四十九 會要卷四遣作追本作府係開元十六年
五月事

十九年

開元十九年楊州奏糶生稻二百一十五頃再熟稻一千八百頃
其粒與常稻無異

御覽八百三十九 八百七十三同異下有稽音旅三小字

會要二十八無五字係是年四月一日事 冊府二十四與會
要同惟一日作己卯

二十年

開元二十年有一角神羊產於京兆之富平縣肉角當頂白毛上
捧識者以獬豸名之

御覽八百九十 冊府二十四神羊作獸無產於京兆之富平

唐書逸文卷三

五

懼盈齋

縣八字以獬豸名之作以爲獬豸係是年三月事

元宗開元二十年自東都幸太原至太行坂路隘逢棹車問左右
曰車中何物左右奏曰禮天子出則載棹車以從先王之制也上
曰焉用此命焚之無棹自此始也

御覽五百五十一 會要二十七脫逢字無棹作天子出從無

棹車係二十年十月十二日事 按新書元宗紀是年十月王

午如潞州舊書元宗紀是年十月辛卯至潞州之飛龍宮通鑑

是年十月壬午上發東都辛卯幸潞州辛丑至北都冊府一百

十三是年七月甲辰制曰宜取今年十月十二日幸北都十月

壬午駕發東都北巡辛丑至北都以諸書參互考之十月壬午

卽十二日乃發東都之日非至太行之日也由東都以至潞州

必由太行元宗之至太行當在壬午之後辛卯之前

二十一年

開元二十一年衢州獲魚有銘獻之侍中裴光庭等奏曰魚龍爲圖河洛所出比之盛明彼何足云

御覽九百三十五 冊府二十四衢上有二月二字奏曰奉賀無魚龍以下十六字 事類賦注二十九明作時

二十二年

開元二十二年十一月制宰相兼官者並兩給俸祿

御覽二百五 會要五十三年上無二字一作二相作臣考舊書元宗紀無此事二十年十二月尙載它事而二十二年十一月全無一事今姑從御覽

元宗紀下

二十五年

舊唐書逸文卷三

六

權盈盈齋

元宗時御史大夫李適之奏每大禮六品宜並服朱衣自是以下許通著袴褶如有慘故不合著朱衣袴褶者聽不入自餘應著而不著者請奪俸以懲不恪

御覽六百九十五 冊府六十載此奏每下有當正至及緣五

字六品宜作應朝官并六品清官自是以下作餘六品已下許上有望字故下有准式二字聽不入作其日聽不入朝應下有合字俸上有一月二字係開元二十五年十一月丁亥事 會

要二十四每當正至作每至冬至應朝下有參字許上無望字

餘與冊府同亦在開元二十五年通典七十四與會要同惟每當正至作每至冬正不恪下有制曰可三字亦在開元二十五

年全唐文三百四與冊府約同惟每上有臣伏以朝服準式皆

合備具比來有稱慘故式致乖疎臣望自今已後二十七字如

上有朔望日請依舊文武官朝集使並服袴褶十六字不著上無而字一下無月字格下有其蕃官望不在此限如情願著者請聽餘望依今式二十字

開元中上命宮中養蠶親自臨視欲使嬪御已下知女工之事及蠶罷獲絲甚多因以賜焉

御覽八百二十五 按此條但言開元未言何年今姑列於開元之末

天寶元年

天寶中隴右節度皇甫惟明奏龍支縣人庫狄孝義有馬生龍駒經九旬有九日身有鱗而不生毛臣就檢視時有慶雲五色遙覆馬上久而不散伏望宣付史官以為實錄從之

御覽八百九十五 事類賦注二十一伏望至從之作請付史

舊唐書逸文卷

七

權盈齋

官 冊府二十四為作光係天寶元年六月乙未事全唐文三百五十七載此奏為亦作光亦以為天寶元年惟明官隴右節度使時所上

天寶中益州獻三熟蠶厚白淨與常蠶不殊

御覽八百二十五 冊府一百六十九厚作繭紫常作春係天

寶元元年九月事

二年

天寶二年正月二十八日築神都羅城號曰金城

御覽一百九十二 會要八十六同

三載

天寶中升社稷五星為大祀詔曰祭之為典以陳至敬名或不正是相奪倫况社稷字祐百代蒙其福日月照臨五星協其紀兆庶

允殖下土式瞻既超言象之外須極尊嚴之禮列爲中祀頗素大猷自今已後社稷及日月五星并升爲大祀仍以四時致祭

御覽五百三十一 會要二十二節引此詔并作並致祭下有諸星爲中祀五字係天寶三載二月十四日事冊府三十三照作炤并作竝致祭下有諸星升爲中祀庶昭報之誠格於上下欽崇之稱合於典則二十三字係天寶三載三月戊寅事 按以新舊書元宗紀考之天寶三載閏二月正月朔係丙申二月三月均得有戊寅當存以俟考

五載

天寶中詔曰朕頃者所撰廣濟方救人疾患頒行已久傳習亦多猶慮單貧之家未能繕寫閭閻之內或有不知儻醫療失時因致天橫性命之際竄亡惻隱宜命郡縣長官就廣濟方中逐要者於大板上件錄當村方要路榜示仍委採訪使勾當無令脫錯

舊唐書逸文卷三

八

權盈齋

御覽七百二十四 會要八十二節引此詔無頃者二字宜命作宜令逐要者作選其切要者於大板上件錄作錄於大板上當村方作就村坊榜作榜係天寶五載八月事冊府一百四十七引此詔頃下無者字傳上有計字醫作將天橫作橫夭亡作忘宜命作宜令村方作村坊全唐文三十二與冊府同惟將療作醫療

六載

天寶六載十二月築會昌城於湯所置百司及公卿邸第

御覽一百九十二 會要八十六月下有二十一日四字通鑑

敘此事在是年十二月壬戌 冊府十四築上有發馬翊華陰

等郡丁夫九字會昌下有羅字湯所作温湯無及公卿邸第五

字

八載

天寶八載九月甲午是月皇太子生日上製仁孝詩六章親書於步障以賜太子令中官高力士以示朝臣

御覽五百九十一 冊府四十一上作帝親書作札又二百六十一並同其下文俱載李林甫等請頒示中外之奏文

九載

天寶中華陰郡奏白鶴見於西嶽五福峯

御覽九百十六 冊府二十四同係天寶九載二月壬寅事

十載

天寶中中書門下奏曰臣等今日因奏事承德音聞江南爲橘江北爲枳蓋以地氣有殊物性因變朕近於宮內種甘子樹數株今

秋已來結實一百五十顆乃與江南及蜀道所進無別亦可謂稍異也

舊唐書逸文卷三

九

懼盈齋

御覽九百六十六 事類賦注二十七書下無門下二字臣下

無等今日因奏事六字甘下無子樹二字秋下無已來二字百

上無一字蜀上無及字別下無亦可謂稍異也六字 冊府二

十七近下無於字甘作柑已作以五下無十字也作者係天寶

十載九月事

天寶中詔曰禮神以玉者蓋取其精潔表裏溫潤合德爲器有象正辭乃信以達馨香其在璧頃來禮神六器及宗廟莫玉自馮紹王奏後有司並皆用珉禮所謂君子貴玉而賤珉是珉不可用也朕精裡郊壇嚴敬宗廟奉惟新之祚庇太平之人則神力普存備物以享安可以珉代玉惜費事神況國家之富有萬方之助祭闕

典必修無文咸秩豈於天地宗廟莫玉有虧自今已後禮神六器宗廟莫玉並用眞玉諸祀用珉如以玉難得大者實小其制度以取其眞

御覽八百五 冊府三十三裏作心璧上有珪字王作正並皆作竝不可上無是珉二字神力作人力富作祈福禮神作乾坤係天寶十載十一月壬午事全唐文三十三與冊府悉同會要二十三節引玉下無者字蓋作莫精上有誠字裏作心王作貞司下無並皆一字不可上無是珉二字已後作以後小其作小具

年月無考

元宗親製春臺望四章二十八句起居舍人蔡孚奏曰伏見所製氣雄詞美德音相屬鄙炎漢之奢侈徇有唐之儉陋知作勞而居逸念中人之家產用心如此天下斯安臣職在司言請宣示百寮及編國史

御覽五百九十一

端午日元宗自賦詩曰端午臨中夏時清日復良鹽梅已佐鼎麴蘖且傳觴事古人留述年深纒續長當軒知權茂向水覺蘆香億兆同歸壽羣公共保昌忠貞如不替貽厥後昆芳

御覽五百九十一

元宗製令長新誠一篇頒賜天下縣令其詞曰我求令長保父下人人之所為必有所因侵漁浸曠賦役不均使彼離散莫保其身徵諸善理寄爾良臣與之革故政在維新調風變俗背偽歸眞教先於富惠恤於貧無大無小以躬以親青旌勸農其唯在勤墨綬行令孰不攸遵曷云被之我澤如春

御覽五百九十一 全唐文四十一 曠作廣使彼作使夫維新作惟新於富作爲富以躬以親兩以字俱作必青旌作責躬

元宗紫宸殿櫻桃熟命百官口摘之

御覽九百六十九

肅宗紀

天寶中安祿山自范陽入朝肅宗觀其兇恣有悖逆之狀言之於太上皇太上皇易之不納上恐危社稷遂精誠祈夢其夜夢故內侍胡普寂等三人持接覆以黃靶自天而下至上前有素版丹書文章甚多既寤所記者唯四句曰厥不云乎其惟其時上天所保福祿不虧十四載十一月甲子祿山果於范陽稱兵向闕

御覽三百九十八 冊府二十一天寶至社稷作天寶十三載

觀安祿山有悖逆之狀恐危宗廟普上無胡字三人持接作二

《舊唐書》卷三

十一

懼盈齋

人昇一紫按靶作帕至上前作直至帝前素上無有字章作字

無十四以下十八字 案肅宗紀云天寶十三載正月安祿山

來朝上嘗密奏云祿山有反相元宗不聽此條蓋彼處逸文

肅宗至平原郡路傍遇一伏兔命左右索弓箭因謂左右曰吾若破賊射則中之不然則否一發而斃左右咸稱萬歲

御覽三百二十九 冊府二十一原作涼據新舊書肅宗紀及

通鑑皆言天寶十五載六月辛丑至平涼郡此條當補於其下

蓋是月潼關失守元宗幸蜀肅宗將往靈武而路由平涼也若

平原則遠在關東河北非當日所經之地當從冊府

至德元載

至德中肅宗降誕之辰有慶雲屬天白鶴飛舞於上所居殿宇翺

翔三十餘匝而去

御覽九百十六 冊府二十五 肅宗作帝三作二 係至德元載
九月二日事

至德元年制諫議大夫論事自今已後不須令宰相先知

御覽二百二十三 新書肅宗紀敘此事於至德元載十月癸
未通鑑同通典二十一作九月

二載

朔方節度郭子儀言雷朔縣界荒地廣十五里有黑禾穀出遍地
每日附近百姓掃盡經宿邊生前後可得五六千石其禾圓實味
甘美臣以爲天啟興王先瑞百穀故漢稱雨粟周頌來麇豈若瑞
禾自出家給人足蓋陛下富教安人務農敦本光復社稷康濟黎
元之應也

御覽八百二十九 冊府二十五 言作奏附作側先瑞作瑞先
豈下脫若字農作豐也下有臣不勝大慶五字係至德二載七
月事全唐文三百三十二與冊府同

乾元元年

肅宗時司天韓穎奏五官正其官配五方臣請冠上加一星衣從
方色

御覽六百八十四 會要三十一 司天作知司天臺事其上有
奉勅創置四字官下有職字臣上有上稽五緯四字星下有珠
字方色作本方正色下有每至元日冬至朔望朝會及諸大禮
卽服以朝見仍望永爲恒式勅旨依二十八字條乾元元年十
月一日事又四十四引畧與此異全唐文四百三十二通典五
十七載奏文與會要三十一全同惟每至元日冬至通典作每
至正冬但云元年十月未著何日通鑑載乾元元年六月山人

韓穎改造新歷穎卽於其時知司天臺事此奏在是年無疑

二年

乾元中虢州刺史王奇光奏闕鄉縣界女媧墳天寶十三載大雨晦暝失所在今河上側近忽聞雷風聲曉見墳踴出上有雙柳樹下有巨石柳各高餘丈畫圖進上以示百官

御覽九百五十七 事類賦注二十五闕誤作闕縣下無界字失上有忽字今河上側近作至今河側雷上有河中二字墳上有其字踴作湧無柳各以下十三字 案五行志所載寧同而文異在乾元二年六月會要五十九闕上有所部二字兩墳字皆作墓天寶至今作天寶失所在今月一日夜雷下無風字見下有其字踴作湧柳各高餘丈作其柳各高丈餘無畫圖以下八字係乾元二年六月十八日事 又案新書五行志敘此事在乾元二年六月乙未

舊唐書紀文卷三

三

懼盈齋

乾元中李輔國奏內飛龍殿鑄銅鍾投乾元新錢二文於鑪中而祈曰如聖躬萬福國祚無疆兇孽殄除四方甯謐則願不銷不鏤一陰一陽並見於外鍾成一如所祈

御覽八百三十六 事類賦注卷十鑪作鑪鑠作爍 案事類賦注唐書下有記字疑紀字之訛紀上仍當有肅宗二字 又案乾元建號首尾三年以肅宗紀考之元年七月丙戌初鑄新錢文曰乾元重寶二年九月戊辰新鑄大錢文如乾元重寶而重其輪但輔國奏鑄鐘事未知定在何年今姑附諸乾元二年之末

上元元年

上元中制定禍亂者必先於武德拯生靈者諒在於師貞周武創

業克匱區夏惟師尙父實佐興王況德有可師義當暴暴稽諸古昔爰崇典禮太公望可追封爲武成王有司依文宣王置廟擇占今名將置亞聖及十哲享祭之典一同文宣

御覽五百三十五 會要二十三周上有昔字太上有其字擇上有仍委中書門下六字置上有准文宣王四字哲下有等字文宣下有王字冊府八十七實作寔太上有其字擇上有仍委中書門下六字置上有配享并三字哲下有等字二書均言上元元年閏四月十九日事又冊府三十四引與會要同惟十九日作己卯通典五十三無定禍亂以下十八字業下無克匱二字餘與會要同但云在閏四月 案肅宗紀是年閏四月己卯追封周太公望爲武成王依文宣王例置廟此條當是彼處逸文禮儀志四所載與此條事同文異亦云上元二年閏四月二年蓋元年之誤新志肅宗紀及通鑑敘此事皆在上元元年閏四月己卯

一年

肅宗性節儉嘗出衣袖示近臣曰此衣己三浣矣

御覽六百八十九 八百二十六節儉作儉約嘗上有衣服無綺繡五字近臣作韞擇木此衣作朕浣作澣 事類賦注十二袖上無衣字三上無己字矣作也 冊府五十六敘此事在上元二年八月

代宗紀

寶應元年

寶應元年秋七月己卯京兆府萬年縣獲三足烏獻之

御覽九百二十 冊府二十五無秋字

賈應初禮部侍郎楊綰奏請每歲舉人依鄉舉里選察秀才孝廉
勅公卿以下集議中書舍人賈至議曰楊綰所奏實爲正論然衣
冠遷徙人多僑寓土居鄉土百無一二今依古制恐取士之道未
盡今禮部每歲擢甲乙之科祇足長浮薄之風啟僥倖之路矣其
國子博士等望加員數十道大郡量置大學館令博士出外兼領
郡官召致生徒依乎故事保桑梓者鄉里舉焉在流寓者序序推
焉如此則青青不復興刺擾擾由此歸本焉勅旨每州歲察孝廉
取在鄉間有孝悌廉恥之行薦爲秀才有司以禮待之試其所通
之學五經之內精通一經兼能對策達於理體者並量行業授官

御覽六百二十九 會要七十六勅下有令字啟作開由此作

由其歲察上有每字薦爲秀才作薦焉有司上有委字理體作

舊唐書選文卷三

五

懼盈盜竊

治體授官下有其明經進士並停道舉亦宜准此况所司作條

件處分二十一字係實應二年六月二十日事通典十五及冊

府六百四十年月與此同但未言何日冊府並載綰奏及賈至

議文通鑑紀此事則在廣德元年六月癸酉英華七百六十五

載賈至議與全唐文三百六十八約同云在代宗寶應二年六

月舊書楊綰傳及賈至傳並載至議綰傳無年月至傳亦在寶

應二年議文與冊府諸書所引約同皆較此條爲詳此條蓋節

舉其大旨耳下條仿此 案代宗紀寶應二年秋七月壬子改

元曰廣德據此則是年六月以前尙未改元當作寶應二年爲

是通鑑之例以後改之元爲主故與本紀互歧耳 又案禮儀

志四與此條事同文異故定爲代宗紀逸文

賈應初禮部侍郎楊綰奏貢舉條孝廉各令精通一經其取左氏

傳公羊穀梁禮記周禮儀禮毛詩尚書周易任通一經每經問義二十條皆取傍通諸義務窮根本試策二道問古今理體及當時要務取堪行用者仍每日一道三道畢日經義及策全通爲上第其上第者望付吏部便與官其問義每十條通七策通二爲中第與出身下者罷之又論語孝經皆聖人深旨孟子亦儒門之達者其學官望兼習此三者其爲一經其試如上秀才舉望令精通五經問義二十條對策日試一道全通者爲上第送名中書門下請超與處分問義十條通七策通兩爲中第中第者送吏部與官下者罷之孝悌力田但能熟讀一經言音典切卽令所司舉送試通便與出身今年舉人或舊業既習理難速改或遠州所送身已在途事須收獎不可中廢其今秋舉人中有情願依舊舉業者亦聽今年之後一依新格勅旨進士明經置來日久今頓令改業恐難有其人諸色舉人宜與舊法兼行

御覽六百二十九 會要七十六奏貢舉條下有目曰二字傍

作旁試策二道作試格策三道理體作治體時要作今時仍每日下有問字三道畢日作類三日畢上秀才舉下有人字日試一道作五道通兩作通四便與作使與今年上有其字既習作既成新格作新勅恐難下無有字係寶應二年七月二十六日事冊府六百四十則作廣德元年七月條下亦有目曰二字餘所載與全唐文三百三十二悉同楊綰傳載此奏及上條賈至奏而未著明何時據通鑑此奏在廣德元年七月戊辰 案代宗紀寶應二年七月壬寅朔壬子改元曰廣德則戊辰乃是月二十七日既在改元之後則當云廣德元年不當云寶應二年今姑從御覽 又案禮儀志四與此條事同文異故定爲代宗

紀逸文

廣德二年

代宗時禁民皂衫壓耳帽以異官健

御覽六百八十七 冊府六十四作王公百官家及百姓著皂衫及壓耳帽子異諸軍官健也係廣德二年二月事

太尉李光弼御軍嚴峻而有禮士卒望風畏憚乾元中郭子儀會九節度之師不利於相州詔以光弼代子儀爲河北副元帥子儀寬恕朔方將士多不奉法時僕固懷恩引回紇內助累立戰功將帥多假借之及光弼統師懷恩爲右廂都知兵馬使光弼出關會諸軍於汜水左廂都知兵馬使張用濟後至斬於纛下懷恩見而憚之不敢惕息光弼在河陽合懷恩攻泰清於懷州官軍頻不利光弼怒將斬之懷恩出奇爲地道偷得賊號詐傳號令賊軍大亂遂拔懷州擒泰清而還光弼捨之泰清妻有美色城破被俘泰清光弼求之卽命還泰清議者稱自艱難已來唯光弼行軍理戎狄毅有籌略將帥中第一

御覽二百七十七

案李光弼傳與此條迥異疑此條仍代宗

紀廣德二年之佚文蓋是年七月已酉光弼薨於徐州此條乃撮敘其生平之語也 又案據光弼傳泰清當作安太清據文義光弼求之上當有脫字

永泰元年

永泰元年秋京兆府上言鄠縣嘉禾生穗長一尺餘穗上粒重疊如連珠

御覽八百三十九 冊府二十五鄠作鄂粒下有生字係是年七月庚申事 按以地理志考之京兆府有鄠縣無鄂縣當從

御覽

二年

永泰二年夏賜安南節婦金氏兩丁侍養金氏本賊帥陶齊亮之母以忠義訓齊亮不受遂絕齊亮自績而衣自田而食州里稱之乃詔本道使每季給銀二兩充衣服以終其身

御覽八百二十六 冊府一百三十九遂絕齊亮作遂與齊亮絕乃作仍充作并係是年六月事

大歷八年

大歷八年夏四月乾陵上仙觀三尊殿有雙鵲銜柴及泥補葺殿之隙壞凡一十五處宰臣等上賀曰臣聞孝至於天則祥發陵邑德被於物則化及鳥獸伏惟陛下因心廣教宏道極和時殿霜露之恩流行雲雨之澤故前聖垂裕歆於明誠皇天報貺錫以嘉應

異鵲來感翔集可窺跡比人謀事歸神化望宣示中外編諸史冊

御覽九百二十一 冊府二十五雙作兩隙作隙無宰臣以下

九十二字係大歷三年事又二十七亦作三年夏四月戊申載有宰臣賀文三尊作天尊時殿作時因餘與御覽同下並載有

帝答手詔 按代宗紀大歷八年四月戊申乾陵上仙觀之尊

殿有雙鵲銜紫泥補殿之隙缺凡十五處此條宰臣以下疑卽其處佚文五行志紫泥作泥及柴隙缺作巢壞餘與代宗紀同

代宗時渤海質子盜袞龍服捕得之詞云慕中國衣服上赦之

御覽六百九十 冊府四十一袞龍服作修袞龍捕得作擒國

衣服作華文物上赦之作帝矜而捨之係大歷八年閏十一月

事

九年

大歷九年七月久旱是日澍雨豐霽初京兆尹黎幹以旱故祈雨於朱雀街造土龍悉召城中巫覡更舞觀者駭笑

御覽七百三十五 案代宗紀是年秋七月甲辰月掩房又入羽林久旱京兆尹黎幹歷禱諸祠未雨又請禱文宣廟上曰邱之禱久矣疑此條卽其上之佚文冊府六百九十七敘此事亦在九年七月朱雀下有門字巫覡下有舞於龍所幹與巫覡八字下卽有彌月不雨幹又請禱文宣廟俄而澍雨豐霽云云

十二年

代宗十二年成都府人郭遠因樵爨獲瑞木一莖有文曰天下太平獻之以示百官宰臣奏賀曰至德之化先賁草木太平之符遂形文字伏望藏於祕閣宣付史館

御覽九百五十二 冊府二十五獻之上有四字二字官作寮

舊唐書逸文卷三

元

懼盈齋

臣下有等字至上有頤者賊臣兇狡敢蔽聰明陛下以時發覺咸就誅放與人更始在物維新浹辰之間果獲佳應三十六字先作光符作時館下有從之二字係大歷十二年五月甲子事案五行志云大歷十二年五月甲子成都府人郭遠因樵獲瑞木一莖有文曰天下太平四字與此條事同文異故知此條乃代宗紀逸文

年月無考

大歷申太原府清源縣人韓景輝養冬蠶成繭詔給復終身


御覽八百一十五

代宗性仁恕言事者諫曰陛下爲政傷於太寬朝典由是不肅上笑而荅曰今時運艱難凡人臣事朕者窺少祿利耳今府庫空竭無俸入俾之優但峻刑科是君上有威無恩朕所不忍行也

御覽書逸文卷三

二

懼盈齋



舊唐書逸文卷二終

姪
男
校
葉

